



駱文忠公奏議卷之二目錄

湘申稿

甲寅下

兩廣匪徒滋擾南界籌防情形摺

東路官軍進克湖北通城片

湖口賊退無庸派兵赴江協勦片

調兵防剿粵匪情形摺

覆陳遵

旨調兵援粵片

籌辦戰船情形摺

覆陳逆首楊秀清實非楊大鵬之子片

駱文忠公奏議卷之二目錄

一

平江紳民辦團出力請加學額摺

兩廣賊匪同時犯界各路均獲勝仗摺

詳陳兩粵賊情片

飭委紳士監造礮位片





兩廣匪徒滋擾南界等防情形摺

奏為兩廣匪徒滋擾現籌南界防堵情形由驛馳

奏仰祈

聖鑒事竊湖南迤南一帶迫近兩粵永州一郡與粵

西緊連郴州桂陽兩州與粵東接壤前據永州

府屬永明江華江藍廳各文武稟報所轄地方

與粵西交界各處時有鄰匪嘯聚出沒不常准

廣西撫臣勞宗光移咨防堵臣當飛咨護永州

鎮總兵朱瀚飭護中營遊擊駱元泰帶兵馳赴

永明會同署守備向東昇督飭嚴防札調委員

聖文忠公奏議

冊中稿
甲寅下

王鑫管帶湘勇五百名馳赴江華一帶地方會

同護遊擊周雲耀擇要防堵適郴州宜章桂陽

興甯臨武各縣營紛紛稟報廣東韶州府屬仁

化樂昌兩縣匪盜蜂起清遠英德乳源各縣均

被賊擾匪徒有洪順洪忠義洪勝堂等名目號

稱洪兵又據稟報探聞賊匪圍攻韶州府及連

州三江營各城甚急廣東省城及佛山鎮地方

匪徒聚眾滋擾勢頗猖獗自宜章桂陽以南道

路梗阻文報不通月餘以來未接廣東督撫文

移所有賊匪蹤跡及防剿事宜一切無從知悉

楚省郴桂各處時有好匪闖入屢經縣汛鄉團盤獲審明正法臣當札調保升遊擊李輔朝管帶楚勇九百名馳往防剿並以樂昌坪石連州星子及莽山等處匪衆嘯聚愈多切近楚界續調卽補知府王祿生統帶委員卽補府經歷周金城所練南勇一千六百名馳赴宜章桂陽臨武一帶督辦防剿李輔朝所帶楚勇並歸該守調遣以一事權臣維湖南郴桂地方與廣東州縣犬牙交錯廣東地方羣盜四起詔連以北與郴桂各屬道路四通官軍分布各隘則防不勝

駱文忠公奏議

湘中稿

二

防且兵分力單一處疎防各處卽爲奪氣不如厚集兵力扼要分駐多發哨探偵明各路賊蹤捲甲疾趨或迎截或要擊或兜剿臨時分遣方操勝算一面督飭各屬激勵鄉團遇有賊至一面據險守禦一面飛稟領兵各員星馳夾剿宜章一路可以兼顧臨武桂陽一路可以兼顧興甯紳團任守官軍任戰如能聯絡一氣剿辦庶可得手惟是兩粵自金田逆賊滋事以來民風尤多不靖視劫殺爲故常等干戈如兒戲匪黨倏合倏分官軍旋撲旋起馴至蜂屯蟻聚良匪

難分現獲奸細各供均稱該匪等議由楚取道
會合江南巨股各匪首亦有自江南潛歸四出
勾結者是竄踞江南之賊一日不滅則南服一
日不能敕安而湖南一省適當其衝于大局尤
有關係現在本省將領官紳兵勇之可用者已
調隨塔齊布曾國藩水陸兩軍東下北路岳州
既須籌防南路郴永又刻須准備軍務需人良
材難得餉源告匱兵事方殷臣惟有殫盡血誠
與所屬文武悉心籌畫以期稍裨大局仰紓
宵旰憂勤所有南界籌防情形謹據實馳

駱文忠公奏議

湘中稿
甲寅丁

三

奏伏乞

聖鑒訓示謹

奏

咸豐四年八月初十日拜發奉

硃批另有旨欽此

東路官軍進克湖北通城片

再臣前委管帶楚勇五品銜候選訓導江忠淑

管帶綏靖永順官兵守備徐統緒由平江進剿

崇通賊匪自五月初九日至二十九日大小十

一戰斃賊九百餘名生擒百餘名經臣附片

奏明以後官軍進逼通城立營城外該匪預燬城

外民房環城周掘重塹密釘竹簽爲負隅抗拒

之計官軍屢次攻撲賊匪固匿不出十七日忽

分股前撲營盤江忠淑等亦分隊抵禦勇目馮

世堂唐遠祚等首先陷陣斃賊數十名賊卽敗

駱文忠公奏議

湘中稿
冊頁丁

四

卻回城徐統緒帶兵由右路乘勝追剿擬徑奪

門直入詎料賊匪於西門預行伏匿俟官兵逼

近壕內伏賊突出徐統緒被賊叢矛戳傷殞命

署千總楊文元署把總王金福署外委楊登岸

向前救護俱各登時陣亡並陣亡兵丁六十五

名分帶楚勇議敘八品陳鳳舞帶勇馳救被賊

矛傷左腿楚勇陣亡十數名力戰不退將徐統

緒屍身搶回賊仍收隊入城不出此六月十七

日先勝後挫之實在情形也委員補用知縣陳

鑑源在平江聞敗星夜馳赴通城大營平江舉

人何忠駿生員勞崇策亦各帶勇繼至十九日賊復分路來撲營盤被官軍團勇擊退殺賊四十餘名生擒十一名臣當添派升用知縣趙啓玉帶楚勇八百名馳往援剿尚未到營七月初四日賊復分數路前來撲營並潛分一路從幕橋抄出營後江忠淑等及平江團紳督勇分路抵禦先將營後一股擊敗合力痛剿轟斃賊匪三百餘名陣斬長髮賊目十餘名初十日官軍分路攻撲城垣適賊匪亦分路來撲楚勇及平江各勇分路抄截斃賊四百餘名內有執大黃

駱文忠公奏議

湖中痛甲寅下

五

旂賊目四名自此兩戰之後兇鋒大挫該匪等復招致崇陽通山各賊數千列營城北趙啓玉帶勇適至官軍聲威益壯十八十九二十二三十一連日鏖戰復斃賊七百餘名內滿髮三名長髮十餘名二十五二十七二十八日三戰亦擒斬二百餘名二十九日賊匪大隊齊出江忠淑趙啓玉及平江團紳等督勇嚴陣以待俟其撲近鎗礮齊施斃賊約一百餘名奇兵從後抄出斃賊百餘賊陣大亂陣斬偽軍師蔡姓逆目廖四廖六等賊自是不敢復出崇陽通山之賊聞

岳州官軍水陸大捷畏官軍由臨湘蒲圻扼其
歸路黑夜潛竄奔回舊巢自此通城賊勢益孤
閏七月初五初六等日官軍兩次出隊賊於城
上施放鎗礮仍不敢出初七日半夜賊開城由
北路潛遁江忠淑等偵知派勇四路截擊斃賊
三百餘名奪門直入復斃賊百餘名生擒八十
餘名奪獲抬鎗鳥鎗木礮旂幟甲仗等件不計
其數米二千餘石通計自六月十七至閏七月
初八大小二十餘戰斃賊二千餘名兵勇陣亡
者一百三十餘名受傷者七十餘名此迭次攻

欽定四庫全書

湘中稿
甲寅下

六

剿克復通城之實在情形也現在通城股匪倏
分倏合者約尚有數起人數約二千有餘亟應
次第剿滅免滋後患江忠淑在營感受濕熱患
痢甚重臣已飭令歸籍調理聞該員之兄江忠
濟患病漸愈札調來營接帶楚勇其江忠濟未
到營之前卽札委趙啓玉暫行管帶一面偵探
賊蹤相機剿辦一面嚴督該縣紳民速辦團練
以別良匪而杜亂萌其竄回崇陽之賊現淮提
臣塔齊布三品頂帶會國藩函開經委員羅澤
南迭次進剿獲勝料崇陽克復之期當亦不遠

所有通城剿賊陣亡之守備徐統緒奮勇直前
遇賊被害實爲可惜應請

旨交部從優議卹以慰忠魂署千總楊文元署把總
王金福署外委楊登岸三弁救護主將同時被
害亦堪憫惻請卽照署任

賜卹以昭激勸其在事出力各紳勇可否容
臣核保
以示鼓勵之處伏候

訓示施行謹

奏

咸豐四年八月初十日拜發奉

駱文忠公奏議

湘中稿
甲寅下

七

硃批另有旨欽此

奏

馬示

以不楚觀之盛分

湖南

害水

金

交

愚

前

湖口賊退無庸派兵赴江協剿片

再八月初二日承准軍機大臣字寄咸豐四年
閏七月十九日奉

上諭據陳啓邁奏逆匪竄擾吳城建昌逼近省城兵力不敷調遣請飭湖南仍令上年來江助剿之官紳朱孫詒羅澤南等管帶兵勇前來協剿等語江西賊勢披猖省垣兵力單薄急須鄰省分兵援救著駱秉章迅卽選派三四千名馳赴江西以資接應惟現在朱孫詒羅澤南皆帶兵勇隨同剿賊甚爲得力該二員能否派往著該撫酌量緩急妥籌

駱文忠公奏議

湘中稿
卷下

八

辦理如實在不能分撥卽著另揀得力員弁管帶所抽官兵迅速馳往江西協剿毋稍遲緩致誤事機將此由六百里加緊諭令知之欽此查江西撫

臣陳啓邁前此抄奏移咨正值官軍剿賊岳州

水陸大捷羅澤南先經臣札調管帶所募湘勇

赴岳隨同塔齊布進剿正值得手之時未便調

赴江西朱孫詒亦經臣委署寶慶府知府附

奏在案該員自上年帶勇援剿江西事竣回楚所

部各勇俱已撤遣歸農自委署寶慶以來所屬

武岡新化州縣與辰沅交界各處因常德失陷

土匪蜂起正在搜捕喫緊亦未便遽易生手且該員既無親信練勇臨時招集馳往亦屬無益正躊躇間適接醴陵瀏陽平江各屬探稟逆船旋復退出湖口江西地方安堵如故與本省差探相同是江西毋庸分兵協剿可知查湖南與江西唇齒相依苟本省兵力可分自應通融籌辦在江西謂之協剿在湖南卽謂之分防本無自分畛域之理上年湖南赴援江西兵勇多至數千經_臣挑選派往尚爲得力此時則調撥頻煩勢難兼顧且兵勇強弱專視督帶之人又必督帶兵勇之人與兵勇兩相習熟然後可期得力若雜湊成軍漫然調遣不但虛糜餉項行裝且或致失利損威所關尤非淺鮮_臣不敢潦草塞責致重愆尤所有湖南兵勇無可分遣及江西無庸協剿緣由理合附片覆

奏伏乞

聖鑒訓示謹

奏

咸豐四年八月初十日拜發奉

硃批知道了欽此

調兵防剿粵匪情形摺

奏爲廣西股匪攻撲全州調撥兵勇防剿並各縣
剿辦隣匪小獲勝仗恭摺由驛馳

奏仰祈

聖鑒事竊廣西地方匪盜蜂起前經

奏明在案據護永州鎮總兵朱瀚署永州知府黃
文琛馳稟八月十八日廣西恭城股匪竄入灌
陽縣居民慘遭焚劫聲言由全州入楚旋據全
州文武飛稟該匪現已竄入全州境內據探報
全灌交界之官塘並全州屬之恩鄉文家村等

駁文忠公奏議

湘中備用真下

十

處均被搶掠嘯聚愈多又據零陵縣知縣胡廷
槐稟稱該匪先踞石塘墟全州文武帶兵勇往
剿失利該匪於二十八日分兩股一由宅田尾

一由水南渡攻撲全州該州兵勇單薄飛函乞
援等情臣維湖南永州一郡三面均接廣西其

江華永明江藍廳嶺東營界外均屬粵境均有

隣匪窺伺

臣

前曾札飭護永州游擊周雲耀駱

元泰守備向東昇各募壯勇五百名勤加訓練

以資防剿復調前保升同知直隸州王鑫管帶

湘勇五百名赴江藍廳嶺東營一帶協剿茲復

據報該匪攻撲全州全州雖屬粵境然壤接零陵爲楚粵水陸衝途自全州以北至永地勢平夷難以控扼前年大股賊匪卽由此竄楚是全州地方不獨粵西要隘亦湖南勢所必爭當派省城防兵千餘員名交都司蘇元林統帶赴永並飭王鑫帶勇策應又飛飭道州紳士都司銜陳立紀將前飭募赴岳州府之勇六百名暫赴永郡新甯縣紳士候補知府江忠濟暫將募赴岳州之楚勇亦就近改赴東安聽候調遣隨據永州府稟稱署祁陽縣知縣楊鼎勛擬挑該縣

賢文忠公奏議

湘中稿
四頁下

十一

團勇五百名徑赴全州助防該署府黃文琛亦增派練勇五十名同往原立卽批准並飭候兵勇到齊再爲分撥援應以厚其勢現據探稟全州文武聞湖南兵勇出境來援聲勢頗壯卽開城出擊適廣西撫臣勞崇光所遣之勇亦至合力攻剿該匪敗回水南渡現在永州之南黃沙河鷹嘴坳等處有護遊擊駱元泰等兵勇駐紮或扼要設防或越界迎擊自當不分畛域相機辦理此防剿竄全粵匪之情形也其江藍廳一帶界連廣西及廣東連山縣地方前據署江藍

廳同知顏培勳護遊擊周雲耀兩次會稟桂嶺
禾洞各匪竄伺邊界經該文武督帶兵勇擊退
生擒匪黨廖平高張喜保李有義等正法又據
稟報閏七月十七日禾洞匪徒竄近楚界北石
關外委唐榮光會同團紳汪際唐等截擊斃賊
二十餘名奪獲紅旂二面腰刀紅巾等件署守
備賀炳翊又斃賊七八名生擒匪徒鄔榮奎林
石生兩名正法二十六日蓮花匪徒竄至邊界
之杉木關周雲耀賀炳翊顏培勳領兵勇團勇
分路掩襲斃賊二十餘名生擒匪徒顏亞能歐

暨文忠公奏議

湘中稿
甲寅下

三

陽新劉新右溫亞發等正法奪獲黃字清字旂
幟各一合洪勝堂旂一面紅布號衣刀矛烏鎗
腰牌等件八月二十三日賀炳翊偵知廣東股
匪分竄至大禾坪地方卽率兵丁團勇出境追
剿至彭田地方斃賊數十名陣斬執旂賊目一
名奪獲洪勝堂大旂盈字日字等號小旂十餘
面生擒匪徒賴亞運鄧萬興二名簾牌烏鎗刀
矛等件匪衆敗遁復跟蹤追至荒山賊黨避匿
民房賀炳翊縱火延燒又斃賊數十始收隊回
卡其永明縣屬龍虎關地方與廣西富川賀縣

連界自六七月以來時有遊匪或二三千一股或數百一股不時往來窺伺該處地勢險峻團勇尚稱得力賊匪不敢輕入於八月二十六日突有匪衆二千餘分三路潛來團紳義之訓等率團衆立將騎馬匪首殺斃生擒二名賊卽驚遁計永州一府地方界連兩廣各處防不勝防而全州至永州一路尤爲南界門戶現在兵力漸集當可無虞臣惟有隨時督飭文武相機防剿以期力遏兇鋒所有調撥兵勇各緣由謹會同兼署湖廣督臣楊需署提臣多順恭摺由驛

馳

暨文忠公奏議

湘中稿
甲寅丁

三

奏伏乞

皇上聖鑒訓示施行謹

奏

咸豐四年九月十一日拜發奉

硃批覽奏起援獲勝各情均悉仍應不分畛域趕緊會合剿除欽此

覆陳遵

旨調兵援粵片

再臣於八月十七日承准軍機大臣字寄奉

上諭葉名琛柏貴奏粵匪猖獗請調兵會剿一摺粵東股匪於六七月間先後攻陷惠來高明順德肇慶城池該省兵力不敷攻剿情形萬分吃緊著駱秉章于辰沅兵丁內抽撥一千名迅卽選派得力鎮將管帶配齊軍火器械星夜馳赴廣東省城聽候該督撫調遣毋稍遲悞將此由六百里加緊諭令知之欽此臣維廣東自六月以後匪盜四起省

駱文忠公奏議

湘中稿
甲寅下

古

門之外各州縣市鎮處處有賊屯聚商賈絕迹文報不通前據委帶壯勇防堵南界之現補常德府知府王葆生稟稱迭據探報廣東城外之匪經官軍剿擊漸次解散水師提臣帶領戰船駐紮新會縣地方佛山鎮之匪亦漸解散由省北至韶州府城道路漸通現在攻撲韶州府城之賊約有二萬餘人屯踞北路界連湖南之樂昌仁化兩縣及連州等城三江星子平石等市鎮仍被賊踞韶州官軍雖近聞數獲勝仗而楚粵往來之道仍節節梗阻臣籍隸廣州府花縣

亦已數月不得家書道路傳聞之詞鮮得真確
臣于欽奉

諭旨後卽檄調辰沅兵千名前往會剿惟湖南兵丁
頻年征調四出行伍空虛武職實缺乏員多係
越級遞署綏靖鎮總兵補授南韶連鎮總兵多
順現署湖南提督鎮筸鎮總兵文安聞患足疾
尚未就痊永州鎮總兵現係沅州協副將朱瀚
護理永州現值防剿吃緊之際未便派往各副
將中求其曾經行陣膽技兼優者實亦難得其
人貿然調遣不但虛糜可惜亦恐貽誤事機查

駱文忠公奏議

湘中稿
甲寅下

五

由辰沅調赴之兵仍須由省經過臣擬俟彼時
察看南界情形再爲酌派以期得力粵東匪盜
旣多韶州以北與該省聲息不通楚兵援粵須
節節攻剿始能逕達韶關韶州廓清始能前抵
省會

諭調兵丁千名恐尚形單薄容臣相酌機宜隨時具
奏請

旨所有遵

旨調兵赴粵援剿原由理合先行覆

奏伏候

訓示施行謹

奏

咸豐四年九月十一日拜發奉

硃批所辦尚是若有妥員可兼護提督仍應飭多順
赴粵方好欽此

駱文忠公奏議

湘中痛
甲寅下

六

籌辦戰船情形摺

奏爲遵

旨速備戰船謹將籌辦情形

奏祈

聖鑒事竊照臣于九月初一日承准軍機大臣字寄

咸豐四年八月二十二日奉

上諭自逆匪竄踞金陵分擾揚鎮繼復攻陷安慶廬州等處蹂躪再及武漢長江之險半爲賊佔皆由我軍僅能扼截陸路水師戰船不敷堵剿以致賊匪橫行江面恣其奔突近來紅單艇冒各船漸集

駱文忠公奏議

湘紳稿下

七

瓜州等處卽獲勝仗向榮所派之兵亦收復太平進剿至采石磯以下湖南會國藩統帶兵船現擬沿江東下直抵金日距武昌僅六十里是剿賊兼賴水軍已有明效惟近日逆賊竄近江西並恐另股由池州甯國進犯徽州窺伺浙境武漢以下金陵以上如安慶九江等處居中扼要之地尚無戰艦阻當亟應廣籌製造上年曾諭四川湖廣等處僱匠造船嗣因張亮基駱秉章奏業已估買江船鈎鈎等船是以僅令裕瑞籌助經費現在江面更爲喫緊四川地方完善多產材木購料興工較爲

便易著裕瑞督飭湖北藩司夏廷樾辦理戰船以資攻勦或在川購造或但購材木籌撥銀兩帶赴湖南製造與駱秉章迅速商辦前據駱秉章奏該員已由辰沅赴川此項戰船如由川之涪江取徑辰沅勢在曾國藩之後若由夔巫上游徑赴荆江直逼漢水當可與曾國藩會合俟江漢道通即可節節攻剿截斷九江安慶兩路賊船著裕瑞與夏廷樾悉心籌議將如何辦理之處迅速具奏至湖南應備船礮前經紳士丁善慶等設局捐辦著卽趕緊添造多多益善駱秉章務飭該紳士等分投

諭又忠公奏議

冊中稿
甲寅下

六

勸捐庶可多修戰艦肅清江面以慰朕念將此由六百里加緊諭知裕瑞駱秉章等並傳諭夏廷樾知之欽此

臣 跪誦之下仰見我

皇上聖謨廣運實握制勝之機當卽恭錄

寄諭飭在籍紳士前翰林院侍講學士丁善慶等迅

速督工製造旋據該紳等呈稱已趕造大板艇

五十隻計日可竣其長龍快蟹等船材木業經

購齊亦可接續監造現在分途勸捐務期多爲

籌辦以資接濟

臣

復飭該紳等乘此時天氣晴

暖須監督工匠妥速造辦復札委長沙府知府

倉景恬卽補知府裕麟常川催督以期周妥竊維水師戰艦以堅固便捷爲要而二者不可得兼求其堅固則木料取其厚油艙取其頻釘鉄取其密可矣然船式不合往往笨滯而不靈求其靈便則頭尾取其銳而昂船身取其長而削船底取其狹而尖可矣然船質太輕往往震動而不穩曾國藩自上年冬間奉

旨籌備舟師于造船一事實嘗專心研究臣亦嘗往復參求得其梗槩論造船之精妙雖篙師船戶之說亦人人殊然總其大要則購材宜審船式

聖文忠公奏議

聯帥備

克

宜精監造貴在得人工料不可太省數語盡之現在紳局所造卽依曾國藩所定之式該紳等駐工監造每船用費增至兩培木材均採自乾州廳一帶似尚堅實合用臣當隨時再行驗視查江南水師取勝者以紅單拖罟兩種湖南水師取勝者以三板長龍快蟹三種各有所長而亦各有所短紅單拖罟體勢壯濶安礮最多屹立江中儼若礮臺賊用所擄民船百不當一此其所長也然能乘順風而不能逆風能馳騁江面而不能窮搜港汊此又其所短三板長龍

利在輕捷能往來縈繞于千艘萬船之中分途抄擊拋擲火器延燒賊艦又能窮搜港汊使賊舟無所藏匿逆風不大遲往速歸尤爲所便惟風急水溜船一下不能復上賊或聚船環攻三板長龍勢散力單每易致挫長沙岳州靖港擂鼓臺兩敗均以風色太利反致失機此又其所短也大約紅單拖罟船質堅固氣勢完壯礮多兵衆每易立功三板長龍則全仗士卒勇猛操駕迅捷乃可制勝現在江南師船已近采石若湖南師船能仗

暨文忠公奏議

湘中稿
甲寅下

三

天威得速抵九江安慶將各處賊船全行掃蕩與江南師船會合彼此各有攸宜賊船實可焚擊淨盡賊船既盡則接濟斷絕必將由陸路衝突而江南澤國非陸賊所宜聚而礮旃似非難事此誠不可再失之機會也惟水戰制勝之具在船而亦在礮臣前與曾國藩

奏催廣東夷礮現在廣東寇盜充斥道路梗塞斷難續解赴楚前此

奏調浙江知縣龔振麟及其子之棠攜帶鐵模來楚鑄礮准浙江撫臣來咨僅遣委員甯瑄帶龔

振麟家人前來此時尚未見到臣又咨催該撫
臣札委龔之棠多帶鐵模來南試鑄庶可以速
補遲伏懇

勅下浙江撫臣迅催甯塏及龔之棠星夜趲程前來
以資鑄造配用俾無貽悞至四川多產材木就
近購料修造戰船本爲甚便查湖南辰沅一帶
無水路可通四川戰船總須沿江而下此時節
交霜降水涸灘乾節節阻滯不但澧瀘瞿塘古
稱奇險將來戰船造成未知能否安穩徑達木
後笨重亦恐滯碍不前此王濬樓船所爲必須
乘夏水始能從益州直下也伏讀

聖忠公奏議

明中廟

三

聖諭飭裕瑞督飭湖北藩司夏廷樾辦理戰船或在
川購造或但購材木籌撥銀兩帶赴湖南與臣
迅速商辦

聖明實已早慮及此頃夏廷樾於未奉

諭旨留川之先已由酉陽折回湖南未便仍赴四川
督辦致多周折昨與該升司面商據云四川船
匠恐未能熟諳戰船程式購料來南製造亦未
免曠日持久現在湖南木料尚可採辦似不若
卽在湖南購料興修駕赴大營較爲徑捷但須

四川籌款速解以便趕緊辦理並據該司面稟
在酉陽時曾稟四川督臣裕瑞請寬籌銀一二

十萬兩解南以資大營接濟如此項先到即可
暫行挪動數萬兩購料興工臣查該司服官湖

南最久于地方情形極爲熟悉辦理戰船與紳

局互相講求自可期其妥善但戰船應備器具

欵目繁瑣不但軍械旂幟帳棚應爲籌辦卽水

勇在船一切尋常日用之物一事不全卽不應

手所有戰船各項應有器具自應概歸該司夏

廷樾一手經理川省亦應寬爲籌欵以便預備

駁文忠公奏議

關紳痛

三

此時賊蹤已遠該省防江之兵想已裁撤經費

節省籌畫或尚非難惟有仰懇

天恩迅飭四川督臣趕緊籌辦以濟全局愚昧之見

是否有當伏乞

皇上聖鑒訓示施行謹

奏

咸豐四年九月十一日拜發奉

硃批知道了夏廷樾已令赴湖北藩司任矣欽此

覆陳逆首楊秀清實非楊大鵬之子片

再臣前奉

諭旨本日據勝保片奏在高唐州城擒獲偽總制一名籍隸湖南耒陽縣住城外西鄉三角坪地方伊父楊大鵬犯罪早經明正典刑家中尚有親屬等語著駱秉章迅卽遴委委員密速馳往查訪如逆首楊秀清實係耒陽縣人卽將逆族親屬盡行拘拏到省盡法懲治並將該逆祖父墳墓查明後發掘焚燒以除孽種將此由六百里諭知駱秉章塔齊布並傳諭曾國藩知之欽此

臣當密札署衡永

駱文忠公奏議

湖南稿

三

郴桂道張丞實親往耒陽縣密查逆首楊秀清是否楊大鵬之子並楊大鵬有無子姪親屬在外年久未歸之人密速稟覆旋據稟稱奉委後遵卽馳抵該縣查楊大鵬本姓歐陽係耒陽西鄉啞子山人其弟楊大鴻楊大鳩與楊大鵬之子石俵二俵均已照例緣坐所撫異姓子鍾紹宗當經解省釋回歸宗隨經確切密查該逆楊大鵬並無另有子姪親屬在外數年未歸之人往勘該縣西鄉啞子山卽瓦子山係歐陽族人世居之所檢查譜系該逆楊大鵬自其本身上

五代均係獨子單傳至該逆始有同胞兄弟均
經查辦並無餘孽差傳族長里隣查訊該與譜
載相符又查三角坪在該縣北門城外僅止楊
平龍一戶在彼居住父子四人其子均幼現在
家耕種生理調核宗譜並無楊秀清之名是逆
首楊秀清實非楊大鵬之子確有可信據該護
道稟稱離三角坪不遠蘇家巷地方有民人梁
永泰聞查辦嚴緊具稟稱民現年六十九歲元
娶楊氏于嘉慶十八年生子宗清乳名禾乃楊
氏故後續娶嚴氏宗清不聽教訓于道光十九

駁文憲公奏議

湘中稿
田廣下

十四

年逃去在外至今杳無音信恐其流而爲匪懇
求關拘究辦以免後累當詢署耒陽縣知縣張
濟遠據云該民素稱良善現據該地方保充團
長其子宗清逃去在外爲匪與否實無確據

臣

於接到張丞實稟後復密飭衡陽縣教諭吳宏
燾就近改裝易服潛往該處詳細查訪惟逆首
楊秀清前據逆犯洪大全供係廣東人湖南屢
次生擒匪黨有供稱該首逆係廣西獐人者亦
有供稱廣東人者該逆黨堅交秘不但其的實
姓名不可得詳卽籍貫亦無指實要之非楊大

鵬之子則斷無可疑至該民人梁永泰之子梁宗清是否流入匪黨尚未可知安可以影響疑似之談遽行提省質問致無辜枉受株連擬俟吳宏燾確切查詢明白後再行分別辦理事關重大臣自當詳慎酌辦斷不敢掉以輕心謹據實覆

奏伏乞

聖鑒訓示謹

奏

咸豐四年九月十一日拜發奉

駱文忠公奏議

湘中稿
甲寅

三

硃批知道了去歲該逆自添禾乃師偽號如此相似著切實根究據實密奏梁永泰呈訴之語顯係畏罪自首欽此

平江紳民辦團出力請加學額摺

奏爲平江縣紳民捐辦團防出力請

旨賞加文武學額作爲永遠定額以昭激勸仰祈

聖鑒事竊臣前准兵部侍郎銜臣曾國藩咨開竊照

湖南自辦防剿以來各屬紳民莫不同仇敵愾

而其始終不懈功在大局者惟平江爲最著查

該縣爲省城門戶毗連湖北通城江西義甯萬

載及本省之長沙湘陰瀏陽巴陵臨湘八州縣

自前年八月逆匪圍撲省城距縣界止數十里

該縣官紳卽設局團練督勇守界緝拿奸細歷

數月無搬徙之民無搶劫之案迨岳州破陷全

屬震動巴陵土匪晏仲武等聚衆數千入境搶

掠該紳民堵界殺賊晝夜提防兩月之久旋值

瀏陽徵義堂匪滋事裹衆萬餘緊逼該縣南界

縣民無入匪者該紳民分途守隘殺斃多名上

年二月通城何葛瑕逆匪滋事與該縣北界緊

連各紳民協力堵禦將犯界之賊殺退五月內

賊圍江西有由平江醴陵兩路直犯長沙之意

該縣東鄉龍門廠與義甯州接壤適當孔道又

金雞坊等處路徑分歧南鄉火子坳與萬載毗

連在在告警該紳勇分路拒守直待江西圍解
後始行解嚴本年五月岳城再陷巴陵湘陰均
遭蹂躪土匪勾結外匪屢竄縣屬西鄉之梧口
黃棠伍市等處均經團勇奮擊十五日有伍市
之戰二十日有新市之戰擒斬尤多其崇通大
股之賊冀從平江直犯長沙而北鄉之上塔市
仙人石一帶適當其衝三月初三初六等日官
兵迭勝各團紳皆督勇助陣二十五日巴匪竄
岑川四月初四日崇匪竄梗樹坪均經奪械擒
渠登時擊退自後九嶺雲溪大坳小坳仙人石

駱文忠公奏議

湘中稿
黃下

三

箭樓嘴等處大小十餘戰無役不從此該團堵
界殺賊之戰功也至三月十二日崇陽石子灣
之捷五六兩月通城接仗共十一次該團勇均
能出境助陣實爲他屬所難能四月初八日由
長樂追賊至虹橋圍燒潘姓大宅斃賊尤多此
該團越境剿賊之戰功也凡此各戰功均據該
署縣及帶兵委員通稟在案目下尙未撤防且
正在喫緊之際該縣距省最近鄰境八州縣半
屬瘡痍惟該縣安堵如故合計四鄉練勇不下
二萬人旂幟軍械稱是不獨本境無土匪卽外

匪亦不敢肆擾屏蔽省垣有關大局至歷年經費各團公用數逾鉅萬其繳入縣局者據前任知縣林源恩稟報共四萬餘串之多除捐款較多之周鏞等三名外餘俱未邀議敘現在該署縣汪敷灝續行勸捐人情復甚踴躍歷屆錢漕均無蒂欠自非民風淳古士習端方不能得此成效必須破格請獎方足以昭激勸而樹風聲前奉

上諭凡捐輸巨款者准按數增加學額今該縣紳民

好義急公歷久罔懈爲湖南各州縣之冠較僅

賢文忠公奏議

相中隨
甲寅下

三

以捐輸出力者尤爲不同兼以文風素盛原額十二名每有遺珠之嘆擬卽會摺

奏請

特旨賞加文武學額永著爲例以爲深明大義者勸

俾各屬聞風興起於人情風俗時務裨益均非

淺鮮其學額應加若干各請由

臣

酌定等因到

臣准此當經咨商學

臣

旋准咨覆查平江縣應

考人數頗多文風亦好茲該縣紳民捐輸鉅萬

越境殺賊急公好義實屬可嘉自應

奏請照大學十五名之例加文武學額各三名等

因到臣准此又經行據藩司徐有壬兼署臬司長秀會核議詳前來臣伏查前准禮部咨議奏咸豐二年粵匪竄擾湖南圍撲省城紳民竭力捍禦轉危爲安均屬可嘉將長沙府學加文武童取進學額各三名附郭之長沙善化二縣學各加文武童取進學額各二名均作爲永遠定額統於咸豐四年科試爲始各按照加額名數取進等因於咸豐三年九月二十三日奉

旨依議欽此欽遵各在案今平江縣切近湖北崇陽

通城二縣今春崇寇熾窺伺乎江該縣餉絀

駁文忠公奏議

湘中稿
甲寅下

五

兵單幾瀕於危幸賴該縣紳民辦理團練歷久罔懈均能賈勇抵禦每戰必捷又能越境殺賊直薄通城之下使賊望風披靡且捐輸數逾鉅萬錢漕亦無帶欠洵屬踴躍急公深明大義允宜破格請獎相應

奏明請

旨賞加平江縣文武學額各三名作爲永遠定額以

昭激勸除咨禮兵二部外謹會同督臣楊需學

政臣劉崐兵部侍郎臣曾國藩恭摺具

奏伏乞

皇上聖鑒勅部議覆施行謹

奏

咸豐四年十月

日拜發奉

硃批該部議奏欽此

駁文忠公奏議

湘中稿
甲寅丁

三

兩廣賊匪同時犯界各路均獲勝仗摺

奏爲兩廣賊匪同時犯界各路均獲勝仗賊匪竄撲道州甯遠臨武藍山各州縣城垣經官軍擊退解圍大獲勝仗並現在防剿情形恭摺由驛

馳

奏仰祈

聖鑒事竊照廣東廣西匪盜蜂起莠民從亂如歸蔓延日廣湖南迤南一帶跨連兩粵不但宜章零陵爲入粵衝途卽永州府郴州桂陽州所屬各州縣處處毗連處處有賊每股多者或數千或

駱文忠公奏議

湘中稿
四節下

三

萬餘少者亦以千數百計而皆以應援江南大股逆賊爲名紅衣黃巾效賊裝束同時並起勢甚披猖嚴郴桂之防則零道恐其闖入益零道之守則郴桂復慮乘虛當茲水陸兩軍乘勝東下之時兵勇征調已頻餉需轉輸已竭事端迭起羽檄交馳實亦應接不暇臣察度情形調募兵勇分駐永郴兩路並飭各屬文武會督紳勇竭力嚴防小警則各守各境大警則各路領兵文武就近馳援務期調發迅速而緩急適中事機扼要嚴防而遠近得以兼顧所有布置情形

奏明在案賊之從廣東仁化犯桂陽縣者署知縣
吳清鵠把總李正鈞於八月十七二十三二十
七等日會督楚粵團紳於楓門坳界頭隘輪子
坳太平墟等處擊退陣斬賊目蒙如英廖昌興
黃心喜僧法祥及賊黨袁懷清等十餘名斃賊
共二百餘名奪獲旂幟軍械數百件該縣有險
可據團眾齊心賊亦不敢輕入其由廣東樂昌
乳源兩縣窺宜章縣者八月初八日宜章團紳
張選明等於臘園背斃賊百餘斬賊目一名生

駁文忠公奏議

湘中稿
甲寅下

三

擒二十餘名奪獲大紅旂一面小紅旂四十餘
面子母礮三尊虎躡礮一尊偽印十顆逆書三
本軍械百數十件賊由乳源縣梅寮地方竄逸
管帶楚勇卽選游擊李輔朝知縣王宏謨署守
備張正陞等繼至生擒賊首鄭光洪並獲賊目
廖大隆等五名正法九月初七日乳源賊勾結
梅寮賊竄至樂昌縣王舖洞李輔朝督同張正
陞外委蕭祖星等分路迎剿南勇爭先陷陣斃
執大旗賊目三名生擒十餘名斬首三百餘級
奪獲抬鎗籐牌軍械數百件二十四二十六兩

日李輔朝帶領楚勇會督乳源縣團紳傅培周
宜章縣團紳張選明等在鳳頭嶺張家沖等處
擊賊共斃賊四百餘名奪獲大旗八面小旗五
十餘面偽印四顆鎗礮籐牌無數陣亡楚勇百
長藍翎把總周興朝其由廣東連州星子入犯
臨武縣境者八月二十二日九月初二十一等
日卽補府經歷周金城帶領南勇會同巡檢駱
鋆署參將趙永年等在臨武縣屬之何家巷龍
水大坳等處剿賊獲勝共斃賊二百餘名生擒
賊目偽總管陳永年偽總領彭永年偽千戶彭

新明等數名及賊黨謝二舉等數十名奪獲紅
巾旂幟軍械三百餘件十六日賊復竄踞蝦公
井村莊周金城帶南勇分三隊出擊賊衆二千
餘抵死抗拒周金城飭勇圍蹙逼入村莊舉火
延燒賊冒火衝突南勇及臨武縣營兵勇把隘
截殺斃賊一千餘名斬首二百三十七級生擒
二十餘名奪獲旂幟軍械紅巾無數南勇陣亡
二名受傷二十一名二十四日午刻周金城復
擊賊歐家灣殺賊二百餘名賊衆敗退南勇乘
勝追擊復斃賊多名突遇伏賊陣亡南勇十一

名受傷四十餘名二十五日午刻賊由星子市
傾巢入犯先分股數千牽制周金城南勇營盤
一股由土橋直撲臨武縣城該知縣盧肇煦署
臨武營參將趙永年預飭兵勇偃旂息鼓誘賊
近城是夜二鼓賊至直撲縣城西南隅城上火
光突發喊聲震天礮石如雨賊匪死傷枕藉天
明見城上旂幟森嚴始行却退盧肇煦等督率
兵勇開城追擊斃賊二百餘名生擒賊目歐陽
忿勇等八名奪獲黃緞黃旂數十件大礮三尊
籐篋鳥鎗刀矛多件陣亡官兵二名受傷七名

共竄過星塘坪者周金城督勇截擊斃賊數百
名生擒僞總管何萬福等十九名奪獲大小黃
旂四十餘面僞總管及洪勝堂印各一顆軍械
各數十件此郴桂一路防剿廣東賊匪迭獲勝
仗及臨武縣城解圍殺賊之實在情形也賊之
從廣西灌陽入犯道州者署知州馮崑盤獲奸
細栢宗貴等九名知賊將糾眾來犯九月初十
日率紳士都司銜陳立紀等帶勇迎勦甫至長
田賊已大至馮崑督兵勇開放鎗礮斃賊百數
十名墮水死者無數賊踞貓兒嶺馮崑收隊入

城次日賊衆直逼城下該州城大兵單馮崑同署遊擊周玉佩等激勵兵勇紳民分門固守斬匪目何賤苟家屬之係獄待質者梟示城上以絕內應賊衆往來攻擊紅衣黃巾繞城呼譟馮崑等憑城用礮轟擊斃賊百數十名內有騎馬賊目數名兇鋒稍挫賊衆退紮橋背街一帶復有執籐牌賊數百滾地而來署千總詹榮升推擲木石壓斃百餘名賊仍敗歸橋背街是夜復搬運木梯數十架肉薄城垣城上拋擲火礮石子擊斃數十名奪梯絕入十二日賊衆復分三

駱文忠公奏議

湘中稿
甲寅下

三

股每股約二千餘人一撲小西門一撲北門一撲西門均經擊退十三日賊復僞裝官軍赴援揚旂鼓譟而至馮崑詢知其詐開礮轟擊賊仍敗退十六日辰刻護永州鎮總兵朱瀚署永州府知府黃文琛商派護遊擊駱元泰管帶兵丁四百八十名赴援行至州城北五里亭遇賊接仗斃賊數十名陣亡外委蔣景亨及兵勇十餘名駱元泰力督兵勇繼進適_臣派遣援勦之千

總陸文德帶兵五百踵至會合將賊擊退遂同入城十七日已刻升用游擊蘇元林帶兵五百

及調到武岡營弁兵永州所募鄉勇共千名亦
至行至蛇皮渡遇賊接仗失利陣亡兵勇十餘
名蘇元林退至濂濤灣是日未刻管帶湘勇已
革同知直隸州知州王鑫護永州遊擊周雲耀
自江華馳至出賊不意分路直搗橋背賊巢預
派後哨湘勇設伏山下防賊抄襲賊果分兩路
拒敵一股從街後抄出王鑫周雲耀各當一路
直前搏戰賊衆悉力抗禦礮石如雨籐牌刀矛
飛奔齊進王鑫身受鎗子傷三處周雲耀身受
鎗子傷一處裹創血戰壯氣彌厲兵勇感奮立

駱文忠公奏議

湘中稿
甲寅下

三

斬兇悍騎馬賊目數人六品軍功王開炳劉開
昫童生王開化百長張福田易普照等率兩哨
湘勇橫躍入陣截斃賊匪百餘名生擒十餘名
其從街後抄出一股約千餘人六品軍功張運
蘭同哨長賀長春突出奮擊擒斬騎馬當先賊
目一名連斃悍賊三十餘名生擒二名賊敗歸
巢張福田易普照帶勇衝入賊巢生擒頭戴黃
風帽賊目二名百長張廣勝六品軍功楊邦傑
率勇自陣後衝出斃賊數十楊邦傑自首至足
創痕幾遍猶持刀大呼殺賊回營力絕而死是

役也王鑫周雲耀以數百兵勇殺兇悍之賊二百餘人負重創者約數百人奪獲鑲黃大旗一面太平後營龍鳳旗一面偽太平天國將軍劉大黃旗一面公義堂旗太平後營旗朱洪英大黃旗共數十面大礮二尊抬礮鳥鎗刀矛藤牌紅巾號衣無數而兵丁陣亡二名受重傷者十餘名湘勇陣亡十餘名受重傷者至七十餘名之多其苦戰可想賊見官軍驍勇善戰賊目傷斃者多卽夤夜解圍西竄一股約千餘人潛由蔣家嶺至上江墟勾結本地土匪將乘虛襲踞

賢文忠公奏議

湘帥端

三

江華縣城王鑫周雲耀偵知遂由間道一晝夜行一百四十五里於二十二日五鼓行抵江華縣城偵賊至城外三里亭卽會同營縣督兵勇迎擊賊衆駭懼失措周雲耀挺矛大呼陷陣兵勇縱擊斃賊二百餘名生擒賊目謝邦甲蔣文異及餘黨十餘名奪獲太平後營黃旗十餘面馬五匹子母礮兩尊鳥鎗三十餘桿抬礮十四桿火藥旂幟多件餘賊四竄道州紳士陳立紀帶勇要擊擒賊百餘名適永明縣龍虎關外報有廣西恭城灌陽賊匪及道州竄出之賊在界

外粟木地方勾結股匪人數聚至數千將竄入
永明王鑫周雲耀遂由江華拔營馳往截剿其
復由灌陽繞道零陵縣水口山一股連日勾結
土匪約千餘人護永州鎮總兵朱瀚署永州州
知府黃文琛商派護遊擊駱元泰管帶兵勇八
百餘名二十九日馳往水口山進剿十月初一
日已刻賊分三路抗拒駱元泰率兵勇當其中
路零陵縣訓導舒時煜署外委方振鵬率兵勇
當其左署外委左光藻勇目劉士啓武生張顯
祖率兵勇當其右駱元泰舒時煜身先士卒手

駱元泰奏議

湘中稿
實下

三

及騎馬賊目三人賊遂敗潰官軍乘勝追殺直
過黃花嶺殺賊三百餘名呈驗髮辮三百一十
五具奪獲抬鎗三桿烏槍三十桿大紅旂四面
黃紅白小旂八十餘面籐牌七面刀矛一百七
十九件生擒賊黨二十五名餘匪翻山竄逸官
軍兵勇並無傷亡初五日王鑫周雲耀率兵勇
會集永明團勇數千出關剿賊已刻行近粟木
地方飭永明武生周文豹湘勇王明輝率勇前
往誘賊出巢預分兵勇爲兩翼伏於山坡左右
又伏兵勇於坡後以待賊始遲疑不出但匿民

房開放鎗礮既見周文豹等人數無多遽前追擊周文豹王明輝僞敗誘之賊分三路緊追坡後兵勇突出彼此轟擊良久賊兩路併來助戰王鑫周雲耀率兩路伏兵衝出橫擊之周文豹亦率勇戰而前斃賊二百餘奪獲大礮二尊賊始紛紛潰走然猶隨追隨伏希圖乘間截擊王鑫令兵勇散爲十數路步步搜剿每兵勇各挾稻草一束遇幽僻處輒舉火賊不能匿卽仍合隊而走王鑫周雲耀率兵迅躡賊蹤大呼突擊賊衆狂奔退入粟木街兵勇四面圍住縱火焚

凌文忠公奏議

湘中稿
甲寅下

三

燒其冒火逃竄者兵勇追斬之共燒斃者千餘名陣斬六七百名生擒七十餘名拔出被擄婦女五十餘名奪獲賊馬六七十匹牛二百餘頭大礮十五尊抬鎗五十四桿大黃旗九十餘面軍械無數兵勇無一傷亡者其由道州江華竄逸之賊連日四出勾結在甯遠縣屬水打舖天堂墟兩河口一帶擄掠裹脅該知縣劉如玉會商守備王綏國於九月二十八日派委把總黎景星督同紳士駱時凱周承謨武生駱逢恩等帶領兵勇進剿行至拱橋頭遇賊接仗衆寡不

敵黎景星挺身格鬪登時陣亡周承讓亦被重創大小源汛把總黎景章帶兵馳至與駭時凱等合力堵擊斃賊二十餘名生擒賊目歐達毛賊始却退復竄該縣平田村柏家坪禮灣等處大肆焚掠會匪頭目楊得金白灌陽潛回糾合黨男二千四百人附之廣東東陂觀會匪二百餘亦潛入助道賊勢益熾知縣劉如玉先後盤獲奸細龔貴保賴污簞等七名審知賊情飛稟告急初六日卯刻賊衆蜂至四面攻撲劉如玉會集營汛紳民登陴固守礮斃賊匪約近百名

內有騎馬賊目二名是夜密遣兵勇絕城焚燒城外民房斃賊不知其數初七初八初九等日賊結營城外山坡更番出隊攻撲城垣城上礮石轟擊每次斃賊各數十名初十日辰刻賊衆分撲四門甚急忽東南兩面賊營火起呼聲震山谷城下賊衆鼠竄探報王鑫周雲耀白永明關外剿賊凱旋聞甯遠被圍星夜馳至賊祇聞永州兵勇起援不虞永明官軍從南路突至也驚懼不知所措王鑫周雲耀縱兵勇痛擊劉如

玉卽飭紳士劉懷玉劉緒黎駱時凱率勇絕城

而下彼此夾擊復分路追殺數時間賊屍遍地約斃賊千數百名內戴黃風帽賊目三名紅風帽賊目五名生擒會匪頭目楊得金及賊黨四百五十三名奪獲太平後軍及朱洪英大小旂幟百數十面偽印妖書無數鎗礮刀矛亦無數是日紳團網送逃匪至縣正法者亦五百餘名其東北設伏阻遏援師之賊亦經護遊擊駱元泰千總陸文德分路搜剿初九初十等日共斃賊百數十名並生擒逆目何玉隴奪獲大小黃旂十餘面餘賊竄逸十一日駱元泰援師馳抵

賢文忠公奏議

冊中下

聖

縣城則圍解一日矣同時與甯遠藍山界連之嘉禾縣亦有奸匪縱火焚署監犯脫逃之事初九日署桂陽州知州梅震榮帶勇馳至適該匪糾衆撲城梅震榮督勇進勦飭署嘉禾縣知縣呂錫楨相機夾擊卽補知府王葆生飛調南勇四百名自臨武來援該匪見援師遽至紛紛竄逸梅震榮呂錫楨率勇追捕斃匪百餘名生擒匪首蕭添學及黨夥三十七名餘匪由塘村墟仙人橋一帶竄逸十一日嘉禾縣屬蕭家村有賊千餘屯集嘉禾縣敗竄餘匪及道州甯遠逸

出餘匪亦往會合十二日已刻王葆生所派軍
功張宏勝陳正隆鄭德明等率南勇四旂掩至
勇目李俊輝周玉圻周萃夫李友章尹泉發孫
均陳貴等各踞山梁分隊圍剿斃賊二百餘名
賊竄踞村莊南勇會合兜擊縱火延燒共斃賊
數百名割取首級二百餘顆生擒四十餘名馬
二匹奪獲洪順堂大旂一桿金蘭堂大旂一桿
大小旂幟四十餘桿抬鎗四桿烏鎗刀矛二百
餘件火藥十二桶南勇陣亡一名受傷九名忽
代理藍山縣知縣張嗣康飛報廣東東陂觀並

賢文忠公奏議

湘中稿
甲寅

呈

豐陽等堡賊衆由粵界雲霧洞翻山竄至將勾
結甯遠土匪攻撲城池署臨武營參將趙永年
急帶兵勇二百名及團紳羅耀南等馳赴縣城
防守臣前以甯遠嘉禾藍山臨武一帶土匪素
多恐廣東賊匪勾結爲患預調江忠濟及前永
州府知府徐嘉瑞帶楚勇一千五百名由甯遠
取道藍山相機防剿江忠濟甫於十二日馳抵
甯遠卽於次日整隊馳赴藍山途間探聞藍山
十二日有圍城之耗倍道疾進王鑫亦率湘勇
同往王葆生亦飭南勇將嘉禾縣蕭家村股匪

剿畢赴援藍山未至之先代理知縣張嗣康率紳民登陴守禦于十二日將撲城之賊轟退斃賊數十名擒斬扒城之賊十二名賊眾退紮三里坪十四日已刻江忠濟率楚勇王鑫率湘勇直抵藍山南勇亦從東北路飛奔前來遙見賊眾數千撲城甚急江忠濟卽派楚勇三百縋城而人以助防守一面親督百長出隊迎擊南勇亦鼓勇直前共斃賊二百數十名奪獲大小黃旂十六面刀矛叉鉞籐牌不計其數賊眾敗潰越溪而逃楚勇百長賈聯元率勇鳧水窮追遇

聲文忠公美議

湘中補
甲寅丁

聖

伏力戰手又數賊登時陣亡楚勇陣亡者十一名受重傷者數名十五日江忠濟率楚勇移營縣城西北門外高嶺王鑫率湘勇紮營縣城東門外高嶺十六日黎明賊分三路由東西北三面撲營狂呼鼓譟而來江忠濟王鑫飭各營歛兵勿動俟賊逼近而後擊之已而西北兩股果蜂擁齊進籐牌居前鎗礮刀矛繼進楚勇奮躍出營斫入賊陣斃賊百餘名陣斬僞統兵大元帥陳姓一名賊眾敗走復分三股駐紮山巔江忠濟督勇分三路仰攻賊眾不能抵拒復斃賊

六十餘名始紛紛潰竄奪獲偽統兵大元帥大
旂一面大紅旗二十一面大黃旂十六面抬礮
兩尊鳥鎗十五桿火藥三桶籐牌紅巾號衣無
數而東路撲營之賊亦經王鑫擊斃數十名江
忠濟復派勇夾剿又斃賊五十餘名生擒十三
名奪獲大紅大黃旂十餘面刀矛軍械多件始
行收隊賊之伏匿城外民房者軍功張宏勝率
南勇縋城縱火燒斃多名是夜三鼓賊卽由廣
東大路紛竄藍山圍解此永州一路防剿廣西
賊匪迭獲大勝及道州甯遠殺賊解圍並援剿

欽定四庫全書

湘中稿
甲寅丁

四

藍山殺賊解圍之實在情形也現據各路探報
湖南界內已無賊蹤惟廣東連州陽山三江營
之賊會集切近楚界之星子司一帶賊數尚有
萬餘廣西灌陽恭城之賊復窺永明富川賀縣
之賊復窺江華江藍廳各處臣已飛飭江忠濟
俟藍山搜剿事竣卽馳赴臨武會同卽選游擊
李輔朝卽補府經歷周金城防剿郴桂一路廣
東入犯之賊並飛飭王鑫續募湘勇五百名會
同護游擊周雲耀駱元泰等防剿永州一路廣
西入犯之賊並令兩路察酌情形緩急彼此互

相策應復嚴飭道府州縣乘此兵威大振之時
嚴諭團長戶長勒限網送逃匪就地正法以靖
內訌冀地方一律安堵隣匪迅速蕩平仰慰我
皇上宵旰憂勤之意至此次南界軍務甚殷同時並
急在事員弁及地方官且防且剿啓處不遑卒
能掃蕩妖氛保固邊圉實屬著有微勞署道州
知州慈利縣知縣馮崑循聲卓著臨事從容鎮
定膽識俱優甯遠縣知縣劉如玉廉明勤慎深
得民心署臨武縣知縣盧肇煦甫履署任臨事
膽識俱壯代理藍山縣知縣卽補州同張嗣康
人尚明幹該員等此次保城殺賊不愧守土之
官應請

駱文忠公奏議

湘中稿
甲寅下

呈

優獎以資激勵馮崑請開缺以同知直隸州卽補先
換頂戴並請

賞戴藍翎劉如玉請以同知直隸州補用先換頂戴
盧肇煦請過缺卽補並

賞加同知銜張嗣康請以知縣補用並

賞加同知銜管帶湘勇已革同知直隸州知州王鑫
迭次奮勇出奇大獲勝仗義烈謀勇兼而有之

該紳前因岳州剿賊輕進失利獲咎革職請開

復原官並

賞換花翎護永州左營遊擊嶺東營守備周雲耀忠
勇廉正深得兵民之心每戰身先士卒出奇制
勝口不言功實武職中傑出之材道州永明甯
遠諸捷厥功甚著請以參將留於湖南補用並
賞換花翎護永州中營遊擊升用守備駱元泰穩練
勇往能得民心請以都司留於湖南遇缺卽補
其餘實在出力之文武紳勇尚多可否容臣核
明開單保

奏出自

駱文忠公奏議

甲申稿

吳

天恩至陣亡之把總黎景星外委蔣景亨楚勇百長
藍翎把總周興朝卽補把總賈聯元並請

旨交部照例賜卹以作士氣而勵戎行謹由驛具

奏伏乞

皇上聖鑒訓示施行謹

奏

咸豐四年十一月初二日拜發奉

硃批另有旨欽此

詳陳兩粵賊情片

再廣東自六月以來匪盜肆起自省城佛山鎮
及三水清遠英德乳源曲江樂昌仁化抵湖南
之宜章桂陽邊界自陽山連山連州抵湖南之
臨武藍山邊界處處有賊分布水陸關隘不但
官司文報不通卽商旅音書亦皆梗阻近據探
報廣東省城大北門大東門外賊匪雖經官軍
剿散而省城仍未解嚴八月二十六日官軍進
剿順德縣踞城之賊九月杪尚未克復且傳聞
有拖罟船被賊奪去之事近省之大瀝墟鄉團

駱文忠公奏議

湖中稿
原宣下

聖

尚強賊未敢犯餘則多被蹂躪其圍攻韶州府
城一股九月初經南雄州募勇援剿斃賊甚多
賊衆解圍退屯白土地方十月初七日韶州官
軍進剿至烏石接仗失利聞賊現又圍撲府城
其攻陷連州之賊探係該州壯勇頭目溫佑等
爲首糾合會匪朱姓陳姓黨羽八九千僞稱統
兵大元帥揚言首逆洪秀全約其起事並邀貓
公山木坪兩處私梟共二萬餘人於閏七月二
十三日攻陷三江城遊擊都司同時被害該逆
等卽移三江城大礮攻撲連州八月初一日城

陷逆首溫佑等竊踞州城設立僞官佔據鹽埠
招納黨羽連州所屬地方俱已淪陷昨竄撲臨
武藍山卽是此股臣遵奉

上諭抽撥辰沅兵一千名已派署綏靖遊擊右營都
司龍金源管帶於十月初四日由長沙馳赴韶
州以資援勦前奉

硃批所辦尚是若有妥員可兼護提督應飭多順赴

粵方好欽此臣維湖南一提三鎮提臣塔齊布旣

帶兵東征現止鎮守總兵文安係實缺人員又

久患足疾多順本係廣東南韶連鎮總兵原應

駱文忠公奏議

湘中喻
甲寅下

吳

派其帶兵前往但該員未經行陣前接署提篆

到省時臣數數面晤似其心地不甚明白且性

耽翹彙實難放心通省武職不特鎮將乏人卽

參遊都司俱係越級遞署且多未經行陣之員

實屬無可派委又廣東廣西賊匪同時犯界雖

迭經痛勦然眈眈窺伺股數實繁臣原擬增調

兵勇馳援廣東此時邊患方殷東西並急未敢

顧彼失此此粵東賊匪情形及調兵赴粵之原

委也廣西一省匪盜之多與廣東無異籍隸廣

西本省者謂之士碼兵燹之後田地荒蕪加以

近來土匪肆起大肆焚掠民人無所得食又無
室廬可居遂至逼而從匪此其一種也鄉團良
莠不一或挾嫌械鬪或貪財起釁彼此結黨爲
奸無所忌畏馴至抗拒官兵攻陷州縣此又其
一種也籍隸廣東者謂之廣碼廣東負山面海
盜賊素多昔時官兵緝拏不敢公然抗拒每遇
事急輒逃匿廣西結黨傳徒訂盟拜會其黨兇
狠狡黠較土碼尤爲難治廣西自咸豐二年金
田逆匪竄入湖南大軍跟蹤追剿大餉隨之廣
西司庫一空無從設措各州縣多被殘破地丁

駁文忠公奏議

湘中稿
甲寅下

哭

錢糧征納不前因軍餉之無資遂糜爛而莫救
近聞廣碼一種並多散遣壯勇混跡其間勢更
披猖股數難以枚舉臣前准廣西撫臣移咨借
撥湖南庫銀三萬兩臣因東征兩軍大局所關
前雖據實

奏明湖南供支大營水陸軍餉僅能截至九月嗣
准曾國藩迭次函咨江西陝西兩省籌撥大餉
緩不濟急十月餉需無出仍須取給湖南臣當

將南路郴桂永州一帶兵餉設法添措暫行挪
移將東征十月分餉項陸續撥解而本省南路

兵餉缺乏已久刻須補發更何從籌欸借撥廣
西此又廣西賊匪情形及湖南無欸借撥之實
情也通計兩省大局糜沸不知伊於胡底在湖
南國防不勝防在廣東廣西亦勦不勝勦臣惟
有殫竭血誠隨時妥辦遇可相機助勦之處斷
不敢稍分畛域置隣省休戚於不問亦不敢輕
舉妄動致湖南全局復因越界而有疎失所有
探防籌辦情形理合附片陳明伏乞

聖鑒訓示謹

奏

駱文忠公奏議

湘中稿
甲寅下

五

咸豐四年十一月初二日拜發奉

硃批另有旨欽此

飭委紳士監造礮位片

再湖南紳局捐辦船礮經

臣

奏明開局後該紳前翰林院侍讀學士丁善慶等
卽多設船廠購料興工幸自秋徂冬天氣晴暖
諸務易集在局各紳亦各併力催督實心經理
事事求精已據丁善慶等呈開前後造成大三
板七十隻長龍十隻所有需用器具雜物一律
製備齊全現在趕造長龍快蟹等船務期刻日
竣工以濟急用前准曾國藩咨取大三板三十
隻已派紳弁妥解至營交納茲復起解長龍十
隻大三板劈山礮三十四尊前往勘驗各船木
料堅韌船身亦靈便合式並由紳局函致曾國
藩如有須損益之處卽由曾國藩函知以便增
改總期事有實濟克助軍威惟戰船所需礮位
極多前次

奏調浙江委員龔振麟及其子之棠攜模來南鑄

造當荷

俞允嗣浙江撫

臣

咨覆僅遣委員甯埜及龔振麟家

人朱姓前來

臣

屢次咨催總未見到昨十月二

十八日甯埜稟報到省

臣

詢以鑄礮事宜不甚

諳習水師爲東征大局所關船礮乃水師急務
若令其輕爲嘗試貽悞堪虞查有紳士候選同
知直隸州黃冕前在甘肅監製礮械出力經前
署督臣林則徐保

秦嗣因咸豐二年賊犯長沙臣委該紳監造熟鐵

礮位礮身輕而膛口大擊遠有準長沙守城之
礮多出其手實爲行軍利器但製熟鐵礮工價
比較鑄生鐵礮費多而工遲蓋生鐵一鑄可成
熟鐵必百鍊而始得也臣初意調龔振麟原望
其早到開鑄得礮多而經費省今旣不能前來

駱文忠公奏議

湘中稿
甲寅下

至

正恐礮成而無可用徒耽時日而所費又覺虛
糜現仍令黃冕一面多設爐座一面勸捐經費
卽日興辦冀可以速補遲甯塏仍飭赴浙銷差
免糜薪水理合附片陳明謹

奏

咸豐四年十一月初二日拜發奉

硃批知道了欽此

駱文忠公奏議卷之三目錄 湘中稿

乙卯上

永順奸匪撲城擒斬要犯首逆畏罪自盡摺

粵賊竄陷江藍廳城旋即收復片

覆陳兵丁疲乏難以赴黔片

鄂省兵潰賊竄漢口大局頓壞現籌防剿摺

請留發遣革員帶勇効力片

覆陳鄂督敗退武昌失守情形摺

請飭楊副將統領水師片

覆陳水師哨官乘亂搬搶餉銀片

駱文忠公奏議卷之三目錄

一

廣東賊陷郴宜廣西賊陷東安衡陽武岡土匪

響應剿辦情形摺

請調羅道一軍回湘防剿摺

援粵辰沅兵丁回郴餉缺遇賊退走片

永順奸匪撲城擒斬要犯首逆畏罪自盡摺
奏爲永順奸匪嘯聚攻撲府城經官兵擊退擒斬
要犯多名首逆畏罪自盡現在搜剿餘匪恭摺
奏祈

聖鑒事竊湖南永順一府地方自雍正年間改土歸
流蒙業相安多厯年所永順桑植兩縣交界之
泥湖塔塔臥堡兩處近因痞匪藉練團爲名往
往恃衆抗官尋釁滋鬧二年七月間桑植縣民
李老鍾等聚衆闖入縣城將前年計典被叅去
任之知縣李朝賡戩傷致命之偏右右脇脊背

暨文忠公奏議

湘中稿
乙卯上

一

三處及不致命之右胎膊等處因傷重行至澧
州永定縣斃命當經飭提聚衆滋鬧首先戩傷
李革令之犯李老鍾解省審辦並飭府縣搜拿
餘黨十一月二十日革生彭蓋南在塔臥堡一
帶潛糾痞棍吳和尚塗正路瞿三遠等乘署永
順縣知縣孫翹澤在王村公幹未回突入府城
搶掠府縣經歷衙署署永順府知府黃其表會
同永順協副將愛紳帶兵役驅拿旋即四散彭
蓋南等揚言大兵不日進剿須爲死裏求生之
計塔臥堡內外龍堡顆砂堡及桑植之泥湖塔

等處愚民多被煽惑彭蓋南遂自稱珍明王詭
托土司後裔多署僞官迫脅鄉民聲言仍復土
司故業二十三日率眾攻城焚燒城外民房火
光燭天監犯莊世棟熊良柱張黃岡譚松兒瞿
德成汪洪太乘變逸出二十四日黃其表愛紳
商派永順協都司蔣培基開城擊賊鎗斃執旗
賊目宋廷弼及匪黨十餘名賊勢稍卻蔣培基
收隊回城失足落河淹斃是日署永順縣知縣
孫翹澤由王村帶勇四百名回城署保靖營參
將任經元帶保靖兵三百名署保靖縣知縣張

駱文忠公奏議

湘中稿
乙卯上

二

准飭其子監生張世傑從九職銜羅淦屯外委
羅應瓊募帶鄉勇二百名亦先後踵至守禦益
固首逆彭蓋南同僞軍師宋朝武僞元帥瞿三
遠塗正路等盤踞多男山二十九日首逆彭蓋
南等復糾眾圍撲府城城上砲石雨下斃賊多
名任經元張士傑督帶兵勇出城攻勦賊眾望
風而靡任經元帶兵衝擊生擒僞先鋒吳和尙
僞副元帥塗正興等三十餘名追斬百餘名奪
獲鎗砲刀矛數十件餘匪退踞吊雞巖護辰沅
永靖兵備道程誥聞警卽調募漢士兵勇一千

四百名親自督帶馳赴保靖縣相機援勦逆目
塗正路瞿三遠等赴各鄉村逼脅良民入夥鄉
民知官軍四集賊勢已衰列崗士民卽將瞿
三遠網送府城正法塗正路行至亂田溝亦被
士民誘殺獻屍請驗首逆彭蓋南見人心不附
同謀各犯多被擒斬又偵知漢士兵勇已齊抵
府城震懼失措遂自縊死僞軍帥宋朝武欲自
爲解脫之計負屍請功署永順府黃其表署永
順縣孫翹澤驗明後剉屍梟示并將宋朝武拘
禁一面飛稟止調各路官兵以節糜費

臣前接

駱文忠公奏議

湘鄉瑯

三

該府縣稟報賊匪滋事時卽札委護辰沅永靖
兵備道程誥統帶各路兵勇親臨督辦復因武
職委用乏人查有常澧失守案内之已革都司
宋廣東技藝尙優已革前署澧州叅將張晰人
尙明白飭令帶官兵三百八十名馳赴永定縣
邊界防賊匪下竄常澧之路一面相機協勦并
諭知該革員等尙再不知奮勉立功卽當請

旨軍前正法復調把總張萬書外委鄒明英管帶健

勇二百六十名馳赴保靖縣均聽程誥調遣一

面飭九谿營游擊侯鳳歧備兵聽調現據程誥

稟報該員行抵永順府城卽監提僞軍師宋朝
武正法探知首逆彭蓋南之義子吳廷有仍踞
多男山而黃山坡劉家寨冷水澤溪大莊九關
坪白蛇溪等處餘匪嘯聚尙各數百人永順府
與湖北之施南府四川之酉陽州本省之辰州
常德澧州各屬壤地毘連巖壑深險逼近苗疆
向有紅匪黑匪出沒其間此次倡亂首從各犯
雖擒斬細獻多名而餘黨竄伏山谷者實繁有
徒且桑植滋事匪徒尙多未獲若官軍遽撤必
至死灰復燃現在相機搜剿以絕根株臣前次

駱文忠公奏議

湘中瑞
乙卯上

四

接據該府協稟請止調官軍之時卽批飭其非
仍札催該護道翟誥督帶兵勇前進妥速剿辦
該護道所見適相符合蓋該處匪徒見時局紛
紜本省調發頻煩不遑啓處竊意大兵不能分
勦故敢妄肆鳴張臨之以重兵迫之以網獻或
可期罪人斯得餘孽消除免致重煩兵力辦理
情形容俟隨時馳報所有永順滋事及首要各
犯旋卽擒斬自盡現在籌辦緣由謹據實具

奏伏乞

聖鑒訓示施行謹

奏

咸豐五年正月初七日拜發奉
硃批勦辦情形續行奏聞欽此

駱文忠公奏議

乙卯中編

五

粵賊竄陷江藍廳城旋即收復片

再十月十二日廣西清水賊匪勾結廣東連州賊匪三千餘人由黃竹寨竄逼江藍廳城時廳城存兵無多署守備賀炳翊往梅子岡一帶招募壯勇未回署江藍廳同知卽補通判顏培勳飛調團丁嬰城固守該匪分三股撲城顏培勳飭放守城大砲賊稍卻退旋踞城外之福至嶺俯瞰城中顏培勳急飭團丁出城逕撲賊營不防另股賊匪潛從東北角梯入城內百姓急扶顏培勳開南門出城退至城外五里鋪團丁羣

集適署江華縣知縣任立誠撥練勇二百名飛馳前來卽就地紮營賊分股攻撲均經擊退客商候選未入單永清客民張兆燮趙維俊鄒慶齡封國賢馮世昌捐資共募鄉勇六百名隨同勦賊顏培勳於十四日率壯勇奪踞福至嶺開砲向城轟擊團紳汪際唐率團丁繼至賊以官軍四集棄城狂竄顏培勳卽率單永清汪際唐等跟蹤緊追至黃竹寨始行收隊沿途轟斃賊匪五十名擊斬百餘名生擒僞先鋒陳老五僞軍師何亞滿及龔一郎唐三唐亞興鍾鐵三關

亞會等十一名奪獲洪順堂紅緞大旗一面隨
將廳城收復十二月初六日廣東賊匪復由毛
氏塘竄至橫江分股竄往沂村顏培勳當調團
丁六百名派兵五十名飭署黃竹寨汛額外六
品軍功劉貴署高村汛額外韋鵬飛管帶先勦
沂村之賊另募壯勇三百名分紮城中是日已
刻橫江之匪竄至南門對河之大柳屯旋撲城
垣顏培勳督率兵勇登陴守禦鎗砲齊施轟斃
賊匪數十人適沂村之賊見兵勇大至旋即遁
走韋鵬飛劉貴追至大竹圍斃賊八名轟斃十

賢忠公奏議

湘中瑣
乙卯上

七

數名途間聞橫江之賊迫近廳城炮聲甚緊遂
折回夾擊甫至大柳屯顏培勳在城上望見遂
激勵兵勇由南門衝殺出城賊遂卻退韋鵬飛
劉貴督兵勇追擊斃賊五十餘名奪獲小鎗刀
矛令旗等件劉貴注意騎馬賊目奮勇直撲適
馬蹄忽蹶該匪翻身轉鬪遂至被戕殞命顏培
勳韋鵬飛合兵追逐至楚粵交界之西嶺地方
始行收隊查點兵勇陣亡團丁九名此江藍廳
被賊竄入旋即收復並二次守城擊賊之實在
情形也臣查署江藍廳同知卽補通判顏培勳

前因粵賊滋擾一時疎於防範被賊竄入應卽
撤任查辦惟該員於失守之後收集兵勇駐紮
離城五里地方旋將廳城收復二次粵匪攻撲
城垣又能守城殺賊功罪尙屬相抵應懇

皇上天恩免其查辦以昭平允署額外劉貴奮勇捐

軀請

勅部照額外例賜卹惟查署中軍守備左哨千總賀
炳翊當賊匪竄擾之時先日出城招募壯勇至
十四日顏培鼎收復廳城該千總尙未帶勇前
來其爲藉詞巧避已無可疑應請

駱文忠公奏議

湘中稿
乙卯上

八

旨革職以肅軍政謹附片陳明伏乞

聖鑒施行謹

奏

咸豐五年正月初七日拜發奉

硃批另有旨欽此

覆陳兵丁疲乏難以赴黔片

再臣於上年十二月十五日承准軍機大臣字寄咸豐四年十二月初四日奉

上諭據蔣蔚遠奏黔省勦匪吃緊請飭湖南省就近撥兵協濟等語現在貴州遵義地方勦辦匪徒極為緊要安南普安二城雖經收復而興義安順等處土匪竊發尙多黔省兵力難分必須隣省派兵前往方足以資堵勦著駱秉章於近黔各營迅即挑選兵勇一千餘名派委得力將弁統帶赴黔交蔣蔚遠調遣務卽刻日起程毋稍遲誤將此由六

駱文忠公奏議

湘中稿
乙卯上

九

百里加緊諭令知之欽此臣查湖南一省官兵除調赴江南大營及東征水陸兩營外復遵

旨撥赴一千名馳援廣東現在本省行伍空虛實屬無可派撥近黔之鎮筵綏靖各營弁兵軍興數載調發頻煩現在存營兵丁多係由大營撤遣回伍疲乏不堪且沾染軍營惡習已久驕怯難用若勉強應調不但虛糜行裝鹽糧實爲可惜且恐零星雜湊貽誤靡輕現在本省南路防勦調兵僅止數百而鄉勇則多至數千永順與近黔各營壤地毗連現在徵調赴援亦係勇多兵

少若使兵力可恃何須多調壯勇致多流弊此
兵丁之無可調撥也至於壯勇之可用與否則
專恃帶勇之人壯勇非如兵丁之久服營規頗
難鈴束非得真能帶勇之人合其自募自練俾
其卒長相習未可深恃而人才難得求其能管
帶千人足當一面者所見亦罕本省南路現在
帶勇各員臣亦嘗極意斟酌選擇而使然必謂
其所向有功斷斷可恃臣亦未敢深信也黔民
窮苦耐勞不乏可募之勇惟須慎選帶勇之人
重以事權自可濟事臣前於胡林翼抵楚時卽
留心諮訪胡林翼極稱貴州文員韓超徐河清
兩員人才實爲可用曾經指名

奏調來楚該省

奏留未遣昨於邊界探稟中知該兩員現在軍中

徐河清似亦曾獲勝仗想該撫臣亦知其材若

能令其自募自練別將一軍不爲人所牽制委

任而責其成功亦可期其得力臣於該兩員並

未謀面不知其才畧何如然旣有所聞不敢不

以入

告謹因本省兵勇無可調撥一併據實陳明伏乞

聖鑒謹

奏

咸豐五年正月初七日拜發奉

硃批另有旨欽此

駱文忠公奏議

乙卯
上稿

十

鄂省兵潰賊竄漢口大局頓壞現籌防勦摺

奏爲北省兵勇敗潰賊竄漢口大局頓壞現籌防
勦情形恭摺由驛

奏祈

聖鑒事竊東征水陸兩軍自上年克復岳州後乘勝
長驅所向克捷自田家鎮半面山水陸大勝後
九江府城原可乘機克復因北岸廣濟黃梅賊
勢尙盛北省兵勇不能得力塔齊布羅澤南等
率諸軍繞渡北岸盡銳攻勦始克兩城賊以其
暇得嚴密布置比塔齊布等回軍渡江則九江

駱文忠公奏議

湖中稿
乙卯二

上

已屹然堅城難以遽下矣曾國藩偵湖口以內
賊船甚多江西戰船均爲賊奪慮其出江爲害
卽分軍勦之是時黃梅又爲安慶之賊所陷九
江對岸小池口一帶復有賊蹤曾國藩水師老
營無陸軍夾護每被岸賊驚擾而所有三板戰
船又已盡入湖口被賊沈塞冬令水枯急切不
復得出以致有十二月二十五日劫營之挫北
岸之賊自復陷黃梅後兇燄復熾非軍不能抵
禦二十七日二十九兩日連次失利督臣楊需駐
軍廣濟賊至卽潰正月初三日已退至黃州適

臣所遣解赴大營戰船水勇四百名行過武昌

縣曾國藩所遣補用知府厲雲官亦於時繼至

將率以前赴九江忽奉督臣札調令赴黃州堵

禦比至則督臣又已退走初五日遂抵漢口矣

督臣自武漢克復之後經曾國藩塔齊布等咨

請入城非其本志其出也盡率兵勇萬餘以行

武昌省會重地僅留逃潰疲弱之兵數百飭藩

司夏廷樾等居守撫臣陶恩培到任甫數日一

切未及布置當督臣退至漢口之時賊匪於初

七日尾追而至人民以事出倉卒扶老挈幼號

駭文忠公奏議

湘中稿
乙卯上

三

泣奔走情形極爲慘痛而督臣則又已不知退

駐何處矣厲雲官方率戰船往下游中途遇升

用道李孟羣相約回棹援鄂遂於初七日駛抵

城外之鮎魚套次日調赴大營之湖南永州府

知府張丞實亦奉曾國藩札率戰船駛赴武昌

阻江爲守賊未敢迫湖北臬司胡林翼亦帶勇

馳回救援倉卒之際皆未接據文報頃據平江

縣稟云賊匪大股均聚踞興國州其犯鄂無疑

鄂城餉竭兵空勢甚危急督臣所帶兵勇多已

潰散湖北大局敗壞之速竟至於此曾國藩塔

齊布糧台坐船多被燒毀軍實蕩然勢難驟振
現尙未接函咨未知如何設措臣維湖北湖南
水陸緊連勢同唇齒湖南本貧瘠之區又值兵
燹之後東征之役官紳兵勇掃境以從軍火鹽
糧悉索殆盡竭將士百戰之力甫將全楚肅清
未及一旬大局復敗壞至此自去秋以來本省
南路防勦兩粵之賊無日不事戒嚴搜除腹內
之匪一時尙未就緒茲復值北路警報沓至時
勢更非上年之比現一面抽調南路楚勇湘勇
永勇赴省一面飭局趕造船砲一面飭北界各
府州縣督飭鄉團悉力固守一面添募壯勇爲
援勦之計一俟諸務稍集卽當相機辦理所有
探聞北路賊勢情形謹由驛馳

奏伏乞

皇上聖鑒訓示施行謹

奏

咸豐五年正月二十二日拜發奉

硃批知道了所造船砲仍應接濟曾國藩是爲至要
欽此

請留發遣革員帶勇効力片

再臣前因保升副將周鳳山一營所募道勇自

克復武漢後多有因傷病告假歸籍者其本籍

道州亦不乏曾經戰陣之人上年十二月底調

募四百名赴省現因北路警報紛來亟應調其

援剿惟該勇僅只勇目保升把總何紹彩一員

管帶未免勇多官少難資鈐束正躊躇間該勇

以前署該州知州王揆一在任素得民心懇請

歸其管帶臣查王揆一條因道州失守革職發

往新疆効力贖罪之人經臣於上年

聖文忠公奏議

湘中稿
乙卯上

五

奏留廢員差委摺內將原案聲明請

旨奉

上諭已革署道州知州王揆一於該州失守時率眾

禦賊身受多傷經部議於斬罪上減等發往新疆

効力贖罪已屬從輕王揆一著卽行發遣不准留

營欽此臣何敢再三瀆請自取愆尤顧帶勇與帶

兵不同非素識其才藝性情斷難期其用命湖

南現在所用各勇係揀選本地官弁紳士管帶

故能稍收實效王揆一年壯耐苦委帶道勇可

期將卒相習合無仰懇

皇上天恩俯念軍務需人甚急准將革員王揆一暫
停發遣留帶道勇以觀後效之處出自

聖裁理合附片具

奏伏乞

聖鑒訓示施行謹

奏

咸豐五年正月二十二日拜發奉

硃批王揆一獲罪甚大汝今又欲令其帶勇以觀後
效預爲將來保舉地步著不准行帶勇或武弁或
紳士皆可亦何必須一革員耶欽此

駱文忠公奏議

湘中稿
乙卯上

十六

覆陳鄂督敗退武昌失守情形摺

奏爲遵

旨覆

奏事竊臣於三月十三日准兵部火票遞到軍機大臣字寄咸豐五年三月初三日奉

上諭本日據楊需奏稱武昌省城於上月十七日失守巡撫陶恩培等力竭捐軀覽奏殊深憤懣現據楊需奏胡林翼王國才石清吉等兵勇約計雖有六七千人惟糧餉缺乏急須接濟川陝各餉尙未解到賊眾兵單金口南岸恐難駐紮若湖南就近

暨文忠公奏議

湘中稿
乙卯上稿

七

可以接濟金口尙能駐紮則相機進剿若不能駐紮則設法渡江上扼漢川以固荆襄門戶等語著駱秉章悉心籌畫湖南兵勇尙有可抽撥卽當派委得力將弁管帶馳赴下游速爲援應所需糧餉就近設法接濟如或該省兵勇不敷抽撥而胡林翼等兵勇又復上扼漢川則金口一帶勢難兼顧恐逆匪乘虛上駛該省與湖北毘連在在可慮尤宜於南北交界處所水陸要隘加意嚴防毋得稍有疎懈將此由六百里加緊諭令知之欽此仰見

我

皇上通籌大局宵旰憂勤之至意臣前此接准北撫

臣陶恩培械知鄂省情形卽籌撥餉項軍火並

增募水勇千餘名配以戰船砲械資以鹽糧飭

赴鄂省又以胡林翼一軍甚單飭駐岳防守之

守備譚瓊林帶勇六百名及候補臬司魁聯於

所帶楚寶各勇內抽撥五百名赴鄂助勤均經

奏明在案嗣因逆匪勾結興國通山等縣賊匪竄

擾崇陽通城分黨竄擾蒲圻窺伺南省之臨湘

平江兩縣守備譚瓊林之勇未能卽進魁聯所

帶之勇亦難以抽撥分擾蒲圻賊匪旋聚竄通

暨文忠公奏議

湘中稗
乙卯上

六

城三月十六二十兩日賊匪八九千人進撲平

江縣北界上塔市營盤經臣預派管帶平勇五

品銜卽選知縣何忠駿李源濬卽選訓導黃崇

策卽選從九黃錫宇守備銜千總方城等會合

練勇團勇兩次奮擊斃賊三百餘名生擒三十

餘名內有僞指揮田士林一名滿髮賊一名僞

指揮徐大志執令長髮賊饒敦五砲尉楊至傲

僞先鋒楊時汰熊良鳳僞司馬僞兩司馬各一

名立卽正法奪獲大砲五尊抬砲兩尊抬鎗二

十五桿烏鎗五十八桿鉛彈九桶火藥十五桶

黃馬褂二件刀矛黃巾旗幟不計其數賊匪敗後仍未遠竄現飭各界加意嚴防而催譚瓊林由臨湘星馳前進俟通城事定再添派勁旅赴鄂聽候胡林翼調遣北省水陸兩軍盼餉甚殷本省司庫早空無可接濟已撥糧道庫漕項銀一萬兩錢一萬串委永州府知府張丞實解往又代墊江西應解還湖北銀二萬兩委候補知府厲雲官解往並搭解軍火鍋帳等件凡水陸各勇由湖南赴鄂援勦者其口糧概由湖南支應合計解赴湖北款項已浮於督臣原咨三萬兩之數多矣但金口水陸各營每月需餉項六七萬之多湖南一省既無從剗肉以醫瘡金口諸軍亦終難望梅而止渴應請

暨文忠公奏議

湘中稿乙卯上

五

勅下湖廣督臣荆州將軍四川總督源源接濟俾武漢兩城迅速克復則湖北之幸亦東南大局之幸也至督臣所慮金口不能駐紮胡林翼等應設法渡江上扼漢川以固荆襄門戶奉

諭著

臣悉心籌畫

臣思督臣

始終堅執者防賊北竄

四字以北竄之患倍重於南可藉以爲詞耳防賊北竄不能不歸重荆襄荆襄者南方可由之

以進窺陝豫北方可由之以窺闕江楚自漢魏
六朝以迄宋元皆以荆襄爲重鎮蓋當南北割
裂彼此爭戰之時其計不得不出於此若以現
在形勢言之則江西湖南兩省雖屢被賊窺形
勢猶完湖北安徽兩省皆有重兵討賊勝負尙
未可知設使湖北水陸兩軍移駐漢川則長江
千里盡委之賊其將置東南於不顧乎曾國藩
塔齊布水陸兩軍隔在江西前後皆賊聲息中
斷在在可危更何有直搗金陵之望此臣之所
未解者一也移駐漢川亦祇能禦上竄襄陽之

駁文忠公奏議

湘中稿
乙卯二

二

賊其於荊州無足輕重逆賊水陸並進荊州門
戶何存此臣之所未解者二也胡林翼等陸軍
卽繞道上駐漢川水軍無所依附勢非退守監
利之螺山岳州之南津港不可爲湖南門戶計
尙未爲失然武漢黃各府豈可度外置之水軍
旣去則武漢黃之克復無期此臣之所未解者
三也督臣動謂賊眾兵單不思廣濟失利之初
賊之前隊尾追督臣實不過千餘督臣麾下兵
勇萬餘亦未爲少乃退黃州未一日卽退漢口
退漢口一日卽退漢川由此而德安而隨州今

且退至棗陽矣是非竄者賊也引賊北竄者誰
乎督臣以餉缺爲詞此日之餉誠絀矣不思自
武漢克復之後督臣所用之餉不下二三十萬
召募川楚無籍之徒臨時能得一割之用乎此
輩散處民間姦淫擄掠無所不至洶洶之勢將
何所底乃仍不知變計餉絀至此猶且隨意召
募此臣之所未解者四也夫以形勢言之荆州
據江水上游襄陽據漢水上游而武昌漢陽爲
之鎖鑰是荆襄者中原之門戶而武漢者又荆
襄之門戶也扼賊北竄必固荆襄欲保荆襄必

駱文忠公奏議

湘中稿
乙卯上

三

守武漢此固一定之局督臣既知北竄爲重何
以舍武漢不守而先顧荆襄既謂上扼漢川可
以固守荆襄門戶何以舍漢川不顧而節節退
走且胡林翼王國才等軍若不能克復漢陽又
何能設法繞道以進扼漢川武漢黃德既均未
克復胡林翼等縱能繞道而至漢川亦以孤軍
而駐於四面皆賊之地又何能爲荆襄門戶計
乎此臣之所未解者五也臣與督臣並未謀面

亦未嘗共事一方本無夙嫌祇以大局關係非
輕若不據實直陳於心實爲不忍臣自蒙

恩復任湖南巡撫以來鬚髮盡白咯血舊疾近益增
劇僚屬紳民實所共睹雖值此時勢艱難萬不
敢存乞休之想而自顧精力衰頹日甚一日職
分應辦之事竭蹶不遑更何敢侈談大局特奉
諭旨令臣悉心籌畫不得不披瀝愚忱是否有當伏
乞

皇上聖鑒訓示謹

奏

駱文忠公奏議

湘中稿
乙所上

三

皇上聖鑒訓示

諭旨令臣悉心籌畫不得不披瀝愚忱是否有當伏

乞

皇上聖鑒訓示

奏

請飭楊副將統領水師片

再水陸官軍之得力全在將領之得人將領既得其人尤必士卒素相親附其部曲均齊心并力然後可殺賊而立功水師一軍之陷入湖口者銳卒多而統馭之才少曾國藩既親往整理可期復整軍威其在外江現扼金口者士卒冗雜而營官亦覺太多彼此分屬等夷勢不相下自應選派統領以資督率聞前湖北撫臣

奏請以廣西升用道李孟羣統領各營該員素懷忠孝膽略甚優原可期其勝任唯臣嘗留心體

暨文忠公奏議

湘中稿
乙卯上

三

察水師一軍多湖南人李孟羣所帶廣勇除傷病散遣外存營者不過數百名向與湖南水勇不相親附統領雖無彼此之分士卒終不免睨疑之見恐臨時調遣不能得力臣查現因傷病告假回籍調理之總兵銜常德協副將楊載福忠勇善戰自湘潭大捷以後轉戰千里每戰輒單舸衝入賊隊所向無前其人廉明樸訥素爲軍心所附與現在金口水營記名知府彭玉麟彼此忠義相許最稱契合若以該兩員統領外江水師則各營官士卒情意交孚勇氣自倍該

副將楊載福現經臣札調來省調養傷病就近

商辦水師事宜令其趕緊招集部曲臣一面飭

局紳修造戰船鑄製砲械俟該將病體小愈卽

督率師船東下援勦如能重清江面與曾國藩

湖口一軍會合則東南大局仍有轉機可否

飭令楊載福彭玉麟兩員統領外江水營仍歸曾國

藩節制之處伏候

聖裁至李孟羣所存廣勇人數無多應卽撤遣回籍

該員籍隸河南光州前安徽撫臣江忠源

奏調赴廬時原稱該員籍隸光固就近招募勁勇

必可得力昨准曾國藩移抄

奏稿亦有請

勅袁甲三增募光固勁勇出勦蕪黃賊匪之議臣愚

竊謂該員在廣西帶勇殺賊著有戰功原於陸

路相宜廣勇既定議撤遣該員無須仍留水營

卽請

勅令回光州本籍勸捐募勇或與袁甲三合或自爲

一軍江北可添一枝勁旅一轉移閒水陸均可

期其得力於大局似爲有裨是否有當伏候

訓示施行謹

奏

咸豐五年三月二十九日拜發奉

硃批楊載福仍可飭令統率師船速赴武昌軍營餘
所奏俱不准欽此

駱文忠公奏議

乙卯中瑞

三



伏乞聖鑒不詳為禱

臣等謹將前次所奏各案分別開列
伏乞聖鑒
咸豐五年三月二十九日拜發奉

覆陳水師哨官乘亂搬搶餉銀片

再前奉

寄諭據曾國藩塔齊布奏水營哨官乘亂搬搶銀兩請飭湖南巡撫嚴拿正法等語上年十二月二十五夜曾國藩等水營被賊匪用小划燒襲各戰船紛紛開動糧臺所僱之船無人看守右營哨官萬瑞書竟敢至糧臺空船搬搶銀兩嗣經永州府知府張丞實在萬瑞書船上搜出銀一千一百餘兩之多當此軍需支絀之際該弁膽敢乘亂搶竊實屬目無法紀據奏該弁已於正月初二日開船上

暨文忠公奏議

湘中稿

三

駛此時或在武漢或已回湖南均未可知著駱秉章迅派委員在水師營內及該弁湘陰原籍嚴拏萬瑞書到案卽行正法毋令漏網等因欽此

臣比密飭查拏旋據萬瑞書赴省投案據供上年十月二十五日賊匪用小划燒襲大營時戰船正均開駛搶護惟各營坐船及糧臺笨重之船倉卒不能撐駕被賊放火延燒軍功救火回來見倉內有糧臺船隻錨纜已斷洶流江面無人管駕隨卽上船看視見滿船載物狼籍中有皮包餉鞘並零星散銀一百餘兩恐爲賊得卽令各勇搬

回戰船因其時晝夜在船准備未敢輕離故未
及隨時呈繳旋奉委員查點船砲當將搶護原
銀繳出軍功若圖乘亂搬搶何敢停放船上等
候搜查只求詳查實情聽候審辦等語

臣

當將

該軍功飭司鎖押收禁一面密札各屬查拏乘
亂搬搶銀錢潛逃歸籍之水勇已訪獲數起俟
審錄供招起獲贓物卽行正法以示懲儆現因
總兵銜常德協副將楊載福前在九江受傷患
病告假赴省調治

臣

當面詢一切據云上年水
營被賊燒襲之時伊已因病後打仗受傷告假

駁文忠公奏議

湘中稿
乙虎上

三

南歸該軍功萬瑞書是否搬搶糧臺銀兩無從
知悉唯萬瑞書屢次打仗奮不顧身實所目覩
臣以該軍功萬瑞書若果乘亂搬搶糧臺銀兩
希圖入己固屬法所難寬雖平日打仗奮勇亦
何能曲從原有惟據所供各情較之搬搶潛逃
者形跡雖同情節稍異既據投案赴審是否遵
旨正法抑解交會國藩審明辦理伏候

聖裁謹覆

奏請

旨

咸豐五年三月二十九日拜發奉

硃批著解歸會國藩軍營嚴訊欽此

駱文忠公奏議

湘中稿
乙卯上

三

廣東賊陷郴宜廣西賊陷東安衡陽武岡土匪
響應勦辦情形摺
奏爲兩廣賊匪同時犯楚廣東之賊先後竄陷宜
章郴州廣西之賊竄陷東安官軍攻勦互有勝
負衡陽縣武岡州土匪乘機響應旋即撲滅現
在籌辦情形恭摺由驛馳

奏仰祈

聖鑒事竊廣東羣盜蜂起攻城掠野所在皆然自本
年入春以來該省軍威漸振以次搜勦於是各
路賊匪相率奔竄湖南三月二十一日及二十

略文忠公奏議

湘中稿
乙卯上

完

三等日湖南之桂陽廣東之仁化兩縣團紳孫
承城劉廷英鄧國忠等會攻仁化踞城之賊擒
斬僞知縣陳姓陣斬先鋒賊曾姓李姓等斃賊
近千名收復仁化縣城僞大元帥曾佳及賊目
李芷香等帶傷逃匿桂陽縣境魚王山及仁化
縣界之青雲坳署桂陽縣知縣吳清鵬督同團
紳孫承城於四月初九日將曾佳等擒獲並起
獲廣東賊目何祿等往來書信知廣東佛山蘆
包白土中宿各處及三水英德清遠曲江樂昌
乳源等縣賊將分起北竄帶勇委員趙啓玉由

平石拔營十五日行抵廣東樂昌縣屬青草嶺
謀先奪九峯之險扼之適樂昌賊首葛姓及鄧
象王二潮陳受等率眾萬餘先夕已竄過九峯
趙啓玉紮營未定郴州千總蕭紹鈴帶勇二百
先往規賊遇賊接仗小有斬獲被賊圍裹趙啓
玉卽派勇七百馳往援之其地羣山攢繞路徑
分歧官軍且剿且進賊匪隨敗隨伏彌山遍嶺
四望皆紅黃旂幟帶勇守備黃輔鼎縱橫血戰
身受十數創與蕭紹鈴奪路而出各勇尙未歸
營賊已分路狂竄直逼趙啓玉營盤壓壘而陣

駱文忠公奏議

湘中稿
乙卯上

三

趙啓玉守營壯勇僅數百名加以長夫及隨征
團勇人數不過千餘趙啓玉督令輪流轟擊賊
之逼近營牆者刀斫矛截斃賊甚多自十五日
酉刻至十六日巳刻勢漸不支各弁勇強扶趙
啓玉上馬衝殺潰圍而出趙啓玉厲聲叱之無
何兩營被賊攻陷趙啓玉仍督勇裹創血戰手
及數賊壯氣彌厲忽賊噴筒四注火飛入營羣
賊乘勢躍入趙啓玉身被數十劍力戰陣亡叅
將李輔朝時在宜章聞警倍道馳援則賊眾重
重圍迫已無及矣趙啓玉旣全軍失利楚勇竇

勇陣亡至數百之多郴州宜章各營聞之未免奪氣

臣

以賊勢方張飛調通判周金城率南勇

全軍由桂陽縣間道馳往援剿並以廣東韶關解圍調回援韶之署遊擊龍金源統帶辰沅五營兵千名由韶回郴助剿賊自攻破趙啓玉營盤後復勾結韶州匪黨進犯宜章二十一日分股由三鵬橋白石渡竄入卽補道王葆生所帶虎威勇李輔朝所帶楚廣各勇迎擊五退五進擒斬頗多賊殊死拒不退白沙巡檢謝德慶率團勇直前搏戰被賊叢矛攢刺陣亡團勇登時

聖文忠公奏議

湘中靖乙加土

三

潰散各勇前聞趙啓玉一軍失利銳氣頓滅此次見團勇潰散亦紛紛卻退王葆生李輔朝嚴督不止其由白石渡竄入一股叅將積拉明阿署宜章縣知縣陳秀芝帶兵勇迎擊亦先勝後敗賊由五里沖會合襲陷縣城王葆生李輔朝率勇退保郴州適周金城帶南勇自桂陽馳至軍聲復振偵賊將由大路逕撲郴州王葆生李輔朝周金城等預商派勇前赴草鞋嶺一帶而以正兵從大路搦戰五月初三日李輔朝周金城出隊誘賊賊果蜂擁而來官軍詐敗引之入

伏回旂截擊四路伏發斃賊近千陣斬僞元帥
李勝侯珍及不知姓名賊目四名生擒百四十
餘名內有僞右軍都督譚得勝一名先鋒旗頭
十數名奪獲大小紅黃旗幟砲械籐牌刀矛無
數賊仍退竄宜章初十日賊復分三路冒雨上
竄李輔朝周金城率勇迎擊於五里亭斃賊六
百餘名內有紅袍僞元帥二名生擒七十餘名
內有紅袍女賊二名署郴州知州戚天保亦督
勇協剿斃賊百餘名生擒三十餘名而賊之旗
幟砲械籐牌奪獲殆盡賊以兩次痛勦潰敗不

駱文忠公奏議

湘中稿
乙卯上

三

支遂分股一由黃茅嶺竄臨武而歸宜章一由
間道竄撲嘉禾縣城其由黃茅嶺竄臨武縣境
者戚天保及該署知縣盧肇煦督各鄉團沿途
截殺斃賊千餘名賊首王二潮卽王義潮亦被
擒斬賊首鄧象率敗匪數百由臨武竄出將入
宜章署知縣陳秀芝會同叅將積拉明阿帶兵
勇督鄉團節節圍捕生擒鄧象及賊目歐玉等
斃賊四百餘名餘賊逃逸至母老村團勇圍殺殆
盡其竄撲嘉禾縣城者知縣袁慧業汛弁陳佐
清團紳李國榮嬰城固守七晝夜斃賊三百餘

名適署桂陽州知州梅震榮帶勇援勦至縣賊
遂解圍轉竄甯遠縣之魯觀洞黨夥散逸頗多
現飭新田甯遠兩縣帶勇會勦此粵賊鄧象王
二潮等由樂昌九峯竄入攻陷趙啓玉營盤後
竄入宜章官軍屢勦獲勝首逆就擒伏誅餘匪
竄逸之實在情形也李輔朝周金城兩軍正擬
分股搜勦餘匪復接探報粵賊何祿陳森劉順
昌等帶賊數千續由廣東乳源平石一帶竄入
楚界沿途裹脅多人勦敗餘匪復陸續歸附勢
甚猖獗臣查何祿係廣東上年起事賊目兇狡

暨文忠公奏議

湘中稿
乙卯上稿

三

慣戰匪黨多東莞英德及惠潮之人愍不畏死
密飭諸軍嚴加戒備十九日酉刻賊由摺嶺上
竄王葆生李輔朝周金城等先派勇數隊伏於
走馬嶺二十日辰刻大隊從中路迎勦賊眾開
放洋礮傷我勇數名官軍屹立不動旋見藤牌
悍賊飛奔而來南勇楚勇廣勇郴勇永勇直前
格鬪立斃執旗先鋒賊數名籐牌賊數十正搏
戰間伏勇四出或從後兜擊或從旁截殺賊陣
始動忽北風大作賊眾施放噴筒毒燄反以自
燔官軍乘勢感之勇氣百倍短兵相接立斃黃

巾紅衣賊目十數名賊眾由小路奔潰官軍合隊窮追陣斬賊千餘割獲左耳九百六十餘隻奪獲洋礮十餘尊洋鎗烏鎗百三十餘桿抬鎗七十餘桿籐牌噴筒鋼叉刀矛多件大小旗幟二百餘件兇鋒已挫矣而韶州以北各匪因廣東重兵把住韶關已絕歸路不得不冒死上竄民間喧傳廣東官軍有勦洗村莊之說山谷愚民亦多結隊奔赴湖南逆賊何祿等裹其壯丁脅其從逆以故人數更增王葆生等一面出示解散一面商議速勦二十三日分四路出隊擊

賊於萬歲橋連踏賊營三座斃賊八百餘名賊首僞水陸副元帥陳森策馬奔逃李輔朝率楚勇曹照古躡蹤緊追擒之桂陽勇鄧道輝鄧暄輝李海朝劉福林等衝入賊隊擒斬紅袍賊目一名訊之生賊卽賊中託言金陵首逆遣來勾結之僞丞相陳姓也餘賊仍從大路回竄宜章是役所獲礮械旗幟帳棚軍裝實亦不計其數其時署遊擊龍金源帶辰沅五營兵二千名已由韶調回抵郴二十八日賊復來獅子嶺搗賊辰沅兵從中路迎擊鋒甫交而卽退周金城等

分勇截殺斃賊百餘賊始敗走王葆生李輔朝
周金城戚天保等會商賊匪屢經痛剿勢可一
鼓殲除官軍當酷暑之時逐日出隊恐日久自
疲不如乘勝大舉直搗賊巢迅復宜章一清邊
圉三十日王葆生李輔朝周金城等率南勇廣
勇楚勇全軍由獅子嶺大路進勦桂陽勇由東
小路王仙橋繞出會合龍金源亦派辰沅兵在
後接應南楚各勇行至五里亭適遇前隊籐牌
賊突至南勇開放抬鎗斃賊十餘名賊猶屹立
不退倉軍大隊踵至刀矛並舉直衝賊陣連斃

執旗賊目數名始紛紛敗走官軍乘勝掩殺呼
聲震天賊匪震懼莫知所措竟有跪伏道旁引
領受刃者窮追四十餘里至良田首逆何祿見
官軍追急持刀攔截敗匪折回抗拒楚廣各勇
瞥見用矛猛刺正中其足籐牌賊趕至背負以
走奪獲統領元帥大旗一桿偽印一顆良田巡
檢鄭家姓亦由小路追至截殺賊數十名正擬
午餐後乘勝徑撲宜章縣城忽送飯長夫飛報
有青旗賊一股約千餘潛從西小路竄入州城
辰沅兵始不疑其爲賊倉卒未及淮備遽行卻

退王葆生李輔朝等疑信叅半遂分軍扼住良田而帶勇馳回援救沿途迭遇城中長夫走報始知另股賊實已襲踞州城各勇腹饑不得食又恐兩面受敵遂紛紛退走是夜至窩鷓坪駐紮其分駐良田之勇聞警四路走散未能收隊宜章之賊聞已陸續竄入郴州臣接據各路稟報不勝詫異當派候選府經縣丞羅信南帶湘勇七百馳往應援仍飭王葆生周金城迅速調集散逸銳卒進剿一面分飭隣近之永興耒陽興甯各令速將所撥練勇均歸李輔朝節制迅

暨文忠公奏議

湘中稿
乙卯上

三

圖克復現計存營之勇及各路練勇已五千餘勇力尙不爲單辰沅五營兵丁全不得力卽撤遣歸伍以免貽悞嚴飭地方官及在事文武迅速戴罪圖功尙再有延悞情事卽據實嚴叅治罪此粵逆何祿大股竄楚官軍屢獲勝仗同日尙獲大勝而州城旋失現籌克復之實在情形也廣西富川之賊前竄入湖南永明縣境經委員王鑫痛剿後逆首朱洪英等復竄踞廣西灌陽縣城勾結兇悍賊黨及楚粵漏逸會匪結成死黨誓必北竄廣西文武約期會剿委員卽選

知府王鑫率湘勇會之四月初四初五等日與賊接仗小有斬獲適廣西兵勇被賊刦營退回全州賊卽於初六夜空城潛竄時露蹤於道州近界之文村新圩一帶條行條止而大股潛從全州道州零陵交界之搖山翻山四竄越零陵縣境直撲東安縣署知縣賴史直請兵未到率勇出城迎擊衆寡不敵十六日縣城失守王鑫周雲耀等率兵勇馳往援剿署永州鎮總兵朱瀚署永州府知府黃文琛會派已革都司駱元泰督帶兵勇繼至二十一日至白牙市會齊賴

駱文忠公奏議

湘中稿
乙卯上

三

史直由蘆洪司率勇前來商議進剿二十二日周雲耀出中路王鑫賴史直等出左路駱元泰出右路均搜伏而進沿途斃賊頗多行至草鞋街遇賊二三千列陣抗拒王鑫督勇衝殺周雲耀駱元泰從旁環擊斃賊約三四百名生擒十餘名奪獲鎗砲刀矛籐牌數百件乘勝直逼賊營兵勇奮勇直前連踏賊營四座賊敗退入城王鑫駐紮城外之孔明白周雲耀駱元泰各駐左右高山相爲犄角距城不及一里正築壘開賊分大股直撲孔明白王鑫督勇下擊賊卽暫

退比收隊上山賊復回旗轉撲如是者數次並分撲周叅將駱都司營盤皆經痛剿擊退是日鏖戰竟日兵勇亦有傷亡二十三日王鑫等誘賊出擊斃賊百餘追至城下轟斃執五色大旗紅衣賊目一名紅黃大旗賊目六名餘賊多名賊自是固匿城中不敢復出王鑫周雲耀駱元泰賴史直等銳意滅賊會督兵勇團勇日日合圍攻撲賊從城上開放鎗礮子密如雨軍士肉薄攻城其勇銳者往往被鎗礮傷亡賊之從全灌竄陷東安也先分遣賊目鄧照籠率賊二千

駱文忠公奏議

補申稿
乙卯上

天

餘由咸水東竄臣以逆賊既直撲東安又預分一股東竄恐其乘虛由新甯縣直竄寶慶府則湖南上游一帶俱震飛飭署新甯縣知縣張士寬嚴防西延一路而札調新甯紳士五品銜江忠淑帶楚勇二千赴東安會勦江忠淑未奉札之先已倉卒募楚勇千名前進適廣西亦遣千總趙慶祥等率兵勇數百越境會剿連日諸軍畢集直迫城下賊固匿不出開出隊誘我俟迫近城壕輒發礮石攻擊官軍雖小有斬獲未能痛剿二十八日賊出隊數百直撲廣西兵勇營

盤湖南各營均派隊策應賊敗退入城趙慶祥等追殺多名二十九日各營俱約齊進攻賊預分股逼截北路兵勇而以驍賊撲燒全州兵勇營盤全州兵勇遂退楚勇先夕聞西延有警恐爲逆賊鄧照籠所襲勇心不固至是亦空營潰歸賊乃悉銳攻王鑫周雲耀駱元泰三營自午至戎併力鏖戰斬驍鷺之賊百數十名賊始退卻王鑫等以逼城安營地勢高仰賊匪憑城開放鎗礮勇士折損者多全州兵勇及楚勇又已退回恐勢孤難以攻擊不如僞退誘之遂於五

駱文忠公奏議

湘中稿
乙卯上

五

月初一夜潛退井頭墟賊不敢追擊仍負嵎堅守適西延賊經守備蔣大勝擊退折回咸水江忠淑接奉前札仍選募勁勇二千於初十日出新甯前進臣復飭候選同知趙煥聯都司朱南桂守備張清和等挑募曾經戰陣之湘勇千名由省城馳往會剿並以衡州爲南路水道總匯之所飭守備王佐清帶水勇礮船前往駐防以壯南路聲援而杜兩粵賊匪水路窺伺之漸趙煥聯江忠淑先後行抵東安縣境王鑫等遂於二十二日拔營齊進東安縣城外五里安營二

十七日卯刻賊二千餘分三路來撲王鑫等偵知賊蹤暗派兵勇布陣數里先搜伏賊正兵由中路迎剿斃賊百餘其潛伏林莽各賊經官軍搜剿所殺亦多比近城邊賊於城上開放鎗礮抵拒仍卽撤隊歸營是夜駱元泰及千總蔣榮華把總左光藻等帶勇潛襲蕪淥埠頭賊營斃賊約百餘名蔣榮華生擒粵賊鄧穩等十餘名奪獲賊船二十七隻六月初一日王鑫等分三路繞城環擊賊匪出隊沿城抗拒官軍逼城攻擊斃賊二百餘此廣西逆賊攻陷東安縣城官軍

圍攻屢獲勝仗尙未克復之實在情形也當東安失陷之時逆賊暗遣死黨潛赴衡永各屬肆行勾煽四月十九日武岡州邵陽黔陽淑浦各縣界連之山門地方突有土匪嘯聚聲稱應援東安賊匪該處深山密箐向爲藏奸之所署武岡州知州任煥聞警卽添募鄉勇督同團紳把總銜武生張玉台等密謀搜勦該州差役楊升自言機會可乘請多約心腹詐爲匪徒投入賊夥以圖之任煥密遣其前往一面督勇前進楊升於二十三夜與其夥周光南等密謀伺賊熟

睡將鎗礮移置他所用水漬其火藥中夜賊營
喊殺聲起賊出不意卽大驚擾昏黑之中自相
格鬪楊升等合力奮擊殺斃匪黨多名周光南
爲賊所害附近各團總楊兆南楊敦禮等聞喊
聲大起知楊升之計已行卽帶勇爲之接應斃
賊數十餘匪鼠竄二十四日黎明破口巡檢陳
耀源及帶勇紳士州同銜楊彤壽州同銜鄭邦
封生員鄭邦岱等各帶練勇馳抵該處會督各
團窮搜逸賊當將匪目尹祚第劉大五黃老八
張起祖張文漢及匪黨八十二名就地正法其

駁文忠公奏議

湘中稿
乙卯上

聖

竄邵陽淑浦黔陽者亦經各縣擒斬多名餘匪
散逸現在嚴飭緝拏地方安謐如常五月十九
日衡陽縣人陳得標等從賊中竄回該縣西鄉
勾結滋事當經署衡陽縣知縣馮汝棻調知拏
獲正法匪黨分布洪羅廟渣江金蘭市一帶正
在調碼糾人升任臬司文格飭馮汝棻及在籍
都司曠益茂衡州協千總喻元發把總吳定發
等管帶衡州兵勇及水勇星速馳往剿辦二十
六日行抵妙山峯遇賊喻元發吳定發督兵勇
轟擊斃賊數十生擒六名乘勝追至沙林塘興

福寺斃賊百數十名生擒四名奪獲黃旗二面
馬一匹吳定發同軍功廖效忠等追賊至金珠
市鎗斃執旗賊目一名奪獲太平龍鳳旗一面
殺賊百餘是日四戰皆捷兵勇受傷僅止數名
馮汝棻短衣草履身先士卒故弁勇踴躍用命
該匪等自此次痛勦後卽各分途鼠竄不敢抗
拒署湘鄉縣知縣唐逢辰聞警卽派紳士監生
曾國潢生員朱堃理問銜康景暉武生李長鑑
及胡連王明倫王志賓監生曾國華等各帶團
勇分赴衡陽衡山各界協勦擒斬多名管帶衡

駱文忠公奏議

湘中稿
乙卯上

聖

勇在籍前貴州荔波縣知縣魏承祝帶勇在洪
羅廟一帶搜查餘匪勒令戶首緦獻所有此案
首從各犯王蒲粟子梁維谷沈汶義王朝斌等
八十餘名均經兵勇團紳先後拏獲及戶長緦
送審明正法地方安謐如常此武岡州衡陽縣
通賊滋事土匪迅速勦除之實在情形也 臣 維
廣東之賊竄陷郴宜屢經官軍擊敗擒斬至數
千名之多兇悍賊目殲除實已不少卽據各營
所奪獲礮械軍裝除留營備用外其先後解省
呈驗者 臣 皆一一點視籐牌一項亦多至三百

數十而是官軍屢次攻剿不爲不力可知一起未滅一起旋來宜章尙未克復郴州復又失守頃據臨武縣稟廣東賊匪復竄撲城池桂陽亦報交界之文明司一帶亦有廣賊竄入每起人數動以萬計所獲賊中旗幟多佛山蘆包三水中宿白土惠潮清英等處地名是廣東北路之賊勢將全竄湖南在廣東雖有肅清之期在湖南何堪紛擾之害應請

旨速勅廣東督撫

臣提

臣嚴遏北竄以清其源并越

境分剿以殺其勢庶兩省邊圍均有撤防之時

駱文忠公奏議

湘中稿
乙卯上

望

而該省亦無回竄之慮至廣西一省匪盜如毛漸成痿弛之證湖南永州寶慶兩府及靖州所屬防不勝防現竄陷東安一股陰鷲兇悍實與金陵巨賊無殊長髮紅巾蓄謀已久若不能聚而殲旃徒以驅賊出境爲事恐勢將滋蔓後益難圖臣現飭帶勇各員盡力攻剿期於殄滅淨盡無如武漢克復無期崇通賊勢復熾江西義甯又已告陷湖南北界東北界如岳州府屬之平江巴陵臨湘長沙府屬之湘陰瀏陽等縣在在堪虞劔牀以膚勢將漸及兵勇旣無可分佈

餉項又早已空虛後此情形殊難設想惟有殫盡血誠勉力支持以求稍紓

皇上宵旰憂勤之意至此次青草嶺陣亡之卽補同知直隸州知州趙啓玉以良吏帶勇殺賊屢著戰功血戰捐軀死事最烈伏懇

天恩照知府例賜卹白沙巡檢謝德慶殺賊陣亡請勅部照例賜卹以慰忠魂而勵臣節其陣亡各弁勇團紳容臣查明彙案附

奏所有宜章郴州東安失守之地方文武及在事出力貽悞各文武請俟事竣由臣核明功罪據

駱文忠公奏議

湘中稿
乙卯上

四

實保劾以昭懲勸謹恭摺由驛馳

奏伏乞

皇上聖鑒訓示施行謹

奏

咸豐五年六月二十日拜發奉

硃批另有旨欽此

請調羅道一軍回湘防剿摺

奏爲隣氛四迫兵力不敷請調回湘勇一軍以資防剿事竊湖南一省南界兩廣西接貴州東距江西北連湖北現在廣東之賊竄陷郴宜廣西之賊竄陷東安本省南路永州寶慶兩府郴桂兩州所屬地方在在均急武漢旣未克復湖北興國州大泊武昌通山崇陽通城各州縣皆淪於賊縱橫數百里閒土匪蜂屯蟻聚皆有長髮老賊爲之監督窺伺平江臨湘巴陵已久自江西義甯州失守以後賊黨積至數萬往來於江

駁文忠公奏議

湘中稿
乙卯上

呈

西湖北交界各處黃旗紅巾漫村遍野揚言誓竄湖南本省北路之巴陵臨湘平江三縣固已防不勝防而義甯州又與湖南之平江瀏陽各縣緊連東路之防又不可緩近復接據晃州廳各路邊報貴州鎮遠府台拱廳一帶痞匪勾結苗民滋擾西路又須戒嚴湖南一省廣輪千餘里南防兩廣北防湖北東防江西西防貴州以一省而兼支五省之寇卽盡調本省兵勇嚴行防剿尙恐分布難周非若他省專辦本地土匪及防剿一面可比況本省兵勇之稍精鍊者旣

赴調江南安徽大營復隨曾國藩塔齊布東征
近如署湖北撫臣胡林翼一軍亦多從本省召
募是一省兵勇既供四省調發又須防剿五省
蘇州之賊其不敷分布情形諒邀

聖明洞鑒查現在隨赴江西之甯紹台道羅澤南湘

勇一軍於克復弋陽廣信等府縣城池之後江

西饒廣一帶業已肅清聞江西撫臣陳啓邁現

調其帶勇赴省此時江西客兵尙多而湖南情
形較江西尤急相應請

旨勅下兵部侍郎銜曾國藩江西撫臣陳啓邁速飭

駁文忠公奏議

湘中稿
乙卯上

吳

羅澤南帶湘勇一軍折回湖南以資防剿庶於

大局有裨臣一面飛咨曾國藩陳啓邁轉飭羅

澤南帶勇閒道回南以期迅速伏乞

聖鑒訓示施行謹

奏

咸豐五年六月二十日拜發奉

硃批另有旨欽此

援粵辰沅兵丁回郴餉缺遇賊退走片

再五月三十日郴城之失實因辰沅五營兵丁堵禦不力所致查是日南勇楚勇廣勇由中路追賊直過良田擒斬甚多逆首何祿帶傷逃逸正擬乘勢直搗宜城賊之預伏西小路者人數不過千餘度官軍空城追賊守禦必疏故徑薄州城爲暗襲之舉其實各勇追賊時署游擊龍金源所帶五營弁兵千名並未派令出隊如肯悉力堵禦何難迅挫兇鋒乃見賊卽退以致州城失守前路得勝之師亦以退無所依紛然四散事機一誤遂至於此

駱文忠公奏議

湘中瑣

忠

臣查辰沅五營兵丁向

稱壯健然尙氣嗜利自昔已然上年八月經

遵

旨派往廣東救援惟時韶州與廣東省城道路中梗

勢甚孤危該兵丁自赴韶以來隨同防守及屢

次奉調出城勦匪頗著微勞亦備嘗辛苦韶城

軍餉匱竭不能支給口糧廣東提

臣

崑壽諭以

俟省城道路疏通再行發給至本年五月十八

日只據提

臣

崑壽來咨轉據龍金源等呈開積

欠五營薪糧等銀共計約有四萬餘兩之多一

時無從籌辦茲先發給五營銀六千五百兩其餘應找之項請查照例案先行找給咨明廣東督撫_臣核明另行解回歸欵該官兵等因該省餉道已通未能發給口糧又出征半載鍋帳軍裝多已朽敗無從請領未免心懷觖望二十五日回抵郴州二十八日出隊即不肯向前三十日見伏賊突來即紛紛退走不復如在韶時之出力是因口糧欠發遽爾灰心已可概見_臣現飭署綏靖鎮遊擊龍金源將所帶辰沅五營兵丁撤回歸伍一面飭其選派弁目每營一二名赴韶請領應得薪水鹽糧一面密訪實情分別從嚴辦理庶足以服兵心而申軍令謹據實附奏伏乞

聖鑒訓示謹

奏

咸豐五年六月二十日拜發奉

硃批另有旨欽此



